

畿輔通志卷六十二

畧十七 輿地十七 山川六 河間 天津

河間府 山

獻縣

萬春山在縣東十里 雍正志 種桃萬樹爛然如錦 大清一統志 國朝李

法顏春日偕同人遊萬春山詩萬春山近獻王居人士温如大雅餘杖履不教春冷落偕來童冠足相於 戈濟萬春山

遠眺詩拔地孤巒出平林萬木稠天垂迷海氣日仄抱滹流桃塢非春候麟郊憶昔遊老僧能道古指點漢王耶 偶來

成信宿古寺在深林曲徑入禪室高居生道心雲烟餘暝色鐘磬遞清音勝地欣然遠幽懷每獨尋 陳鴻潤萬春山春

望詩春色滿滹津尋春遊萬春草迎巖下路花醉嶺頭人燕影參差見鶯歌宛轉頻日須攜斗酒莫負此芳辰

雲臺山在縣東南十五里 雍正志

白草山在縣北十八里 同上

謹案一統志三山皆高陵非山也

建成山在縣境漢以此名縣高祖封曹參為建成侯又封呂

澤為建成侯公沙穆嘗居此山依林阻為室

雍正志

樂壽巖在縣西南十里舊樂壽縣之名取此

明一統志

東光縣

天胎山在縣南十里南臨新河

同上

謹案隋書地理志東光有天胎山太平寰宇記小天臺山

在東光縣界疑即此山

青山在縣西北三十里

方輿紀要

又土山在青山西十五里

雍正志

魯陽山在縣境

縣志

謹案縣志青山魯陽皆岡隴之屬今頽廢

任邱縣

金沙嶺在縣東四十里東西綿亘數十里其嶺斷處細沙流

出如金故名雍正志縣本無嶺以土阜參差而名方輿紀要

白馬峯在縣境其狀類馬雍正志今失其處縣志

桂巖在縣西北雍正志巖多桂木明一統志其中深邃如巨室方輿紀要

相傳獻王子讀書所今失其處同上

故城縣

歡喜嶺在縣西三里雍正志

河間府川

河間縣

滹沱河在縣東五十里舊自獻縣流入境又東北入順天府

大城縣界大清一統志今由饒陽肅寧東北流入縣境採訪冊

古洋河在縣南八里同上上游通鐵燈竿口元時漳水由此決

入匯為汚池過洪沙港經獻縣西北界入縣城南通濟橋東

北通靜海縣達直沽後自蘇家口徐家口入古唐河故下游

入任邱者與唐河並稱自鐵燈竿口淤河久無水縣舊志同治

七年滹沱北徙由此流達河間任邱境河道册

古唐河在縣西關外舊時澁水自肅寧縣流入縣西南境又

北逕城西又經北關外繞城而東為儉河至徐家口洋河自

南來會之而滹沱決口之水亦有自饒陽安平流入者又屈

曲北行逕雙塔村為半截河又折西北逕左家灣入任邱縣

界明嘉靖十一年中丞許宗魯濬縣舊志參畿輔輿圖今澁水北徙

此河上流遂涸下流為滹沱所經採訪册

黑龍港河在縣東南乾隆四年總督孫嘉淦請帑挑濬以洩

各窪瀝水上接獻縣界下通大城縣子牙河縣志

謹案輿圖黑龍港乾河自獻縣入縣境東流逕苑各莊又

東北逕孤莊頭又東北逕牙莊又東逕孔家務又東入青縣與縣志所載此河下流河道異

高河在縣西南雍正志舊自高陽縣流入東南流至交河縣合

於滹沱

方輿紀要

本滹易二水支流今久湮

縣志

王淋口支河在縣東北乾隆五年知縣李時憲勸民挑濬以洩余家務窪內瀝水下流入黑龍港

中堡河在縣西八里與肅寧縣界交錯河形多淤

白龍河在縣西北界河形久淤僅有窪勢河東有廢隄土接肅寧下通高陽

黃龍港河在縣東北上游已不可考卧佛堂以下微有河形

東入任邱縣界

俱同上

大浦淀在縣西二十五里下流注於滹沱

方輿紀要

其決入之處

一名百道口亦曰大廉陂

太平寰宇記

福井在縣治西南相傳唐大厯中鑿明正德時湮塞後縣令

尹象坤復濬因名其地曰福井庵

雍正志

七里井在府界隋大業十三年詔涿郡留守薛世雄討李密

行至河間軍於七里井竇建德襲破之即此

方輿紀要

獻縣

滹沱河在縣西南十八里舊由武強縣東北流入至完固口

分爲二一東流逕縣南十二里又東北入交河縣界一自縣

西分流曰鹽河即子牙河東北入河間縣界

大清一統志

一曰沙

河縣志今由饒陽縣流入縣境古洋河下流經肅寧東南界入

河間縣

探訪冊

宋黃庭堅詩駝褐蒙風霜雞聲渺墟里青

此千戶侯誰能優劣此明程敏政詩寒風挾霜起水浪從西來下觸斷橋柱碎此千瓊瑰流響甚清麗驚波屢盤烟官

舟大如掌疾棹過南隈古來濟川人感激多良材王調鼎
詩平田森森接天流郭外垂楊攬渡舟波浸孤村疑是島沙
迴斷岸欲成洲荒城半作魚蝦市傲吏偏從鷗鷺游一石水
沈泥五斗人傳來歲麥宜秋吳國倫詩滹沱之水雁門來
直入中原遠漢臺萬馬乘流奔赴海千鯨觸石鬪驚雷秦兵
北戎投鞭渡楚容南浮擊楫回麥飯亭前沙草合翠華不見
使人哀國朝戈濟滹沱篇滹沱下武夫千里趨溟濛
騰建饒勢蕩滹百川會夏秋殷泉源洪波歛碎湃幾闕山谷
爭一瀉天地隘幽冀數經流黃河比雄怪浩浩源可窮茫茫
神所配晉人崇續祀先事肅精愜在記曰惡池古也爲徒駭
許商不吾欺漢志豈可汰我聞天地間山河判兩界滹沱闢
江湖細瑣納湍瀨南流淖而清百產欣所賴灌溉物旣滋漲
溢患易瘥乾坤通脈絡足以阜財貝猛勃北流悍泥沙雜蚌
鮓地偏鮮紆迴土疏乏障礙有時蛟宅移不待蟻穴潰饒獻
當巨衝青大承委派永懷武垣東蕩舟村塢內隄防旣鞏固
駭浪稍甯耐顧猶歷數期不免一狼狽邇來更頻數連年逞
狡獪加以蟲蜚災蕪彼珠桂嘒道路間流亡閭閻絕稱貸可
憐素封家時等嗟來輩今秋稱大熟日食乃得再稍復通車
船時見走賈僧朝登白草山緬想唐虞代九河湮疏鑿千村
羅闐闐故道杳難復洪流竟何屈陵谷片幾更俯仰成一喟
至尊憂黎元多方起凋瘵前年呂梁東橫波注豐沛自
古罹憂患羣生仰廩賚惟帝日咨嗟曰予實警戒博採
羣工議獨與神禹對金錢傾府庫玉策驅俊乂狂瀾迴其波
巨澤散以澮羣山忽若拔靈海瞥而大掘地亘千里神工未

半載魚龍徒窟穴溝塍雜繡績禾黍雲油油邱壘烟靄靄野
老擔夏鋤社鼓打秋賽出人忘帝力謳歌動天籟安知

聖憂勤端居易朝晦人事補天行暫勞貽禾黍矧茲滹沱
流動為畿輔害漳入河勢張漳去河勢殺冶水別經途胡

盧承委退從此慎厥防無俾久而壞滄陽挾大陸助虐茲為
最由來倔強甚不盡壅障解禹貢利疏排明德著著蔡完固

舊分流遺跡尚宛在勢分力自弱事半功乃倍誰當罄敷陳
吾欲事圖繪聖朝建峻烈詎肯遺纖芥至人經大

猷豈徒饒言語昧昧方有思秩秩宜未艾奮然成巨績果爾
繼前畫坐見土穀豐終免昏墊瘁於戲匪多喙桑梓吾所愛

古洋河在縣西北四十五里界饒陽肅寧地經縣境長四十

里久湮縣舊志今為滹沱經行之道採訪冊

古唐河在縣西北五十里連肅寧河間二縣界經縣境五里

今湮縣舊志

胡盧河在縣西南自武強縣流入縣境完固口下流經臧家

橋入大城縣界為子牙河同上

朱家口引河在縣東北光緒七年由古洋河東岸開濬引滹

沱水歸子牙河

河道札

黑龍港河自縣東南雙隄口起東北流逕小屯村又北逕谷

莊又東北逕沿莊又東北入河間縣

畿輔輿圖

亭子河在縣南二十里上接武強縣下通交河縣久淤乾隆

五年濬

縣志

馮家橋河一名古乾河在縣北十八里自武強縣入境東北

流抵高旦村匯注為害乾隆五年知縣楊文彩築隄堵遏引

水入河間古洋河

縣舊志

清河在縣南二十七里上自交河縣富莊驛下接交河馬家

莊歷縣境二十里久湮

同上

鬲津河在縣西二里

方輿紀要

東北流入故饒安縣界

雍正志

鈎盤河在縣東南五十里自山東德平縣流入境

方輿紀要

卷六 輿地畧 山川六

馬頰河在縣東六十里自山東商河縣流入境上同

謹案漢書成帝時許商上言古記九河之名有徒駭胡蘇

鬲津今見在成平東光祿縣境中通典鈎盤在景城郡界

馬頰在平原郡界考景城廢縣在今縣東南九十里成平

廢縣又在景城南二十里平原不在縣境以上三河蓋後

人鑿以導水而附以九河舊名也今皆湮廢

毛家河溝在縣西南自交河縣韓屯村東北接舊溝頭起至

馬家鋪入大橋口歸亭子河長九百四十丈縣志

栗家莊溝在縣西接武強縣界由王家莊引至馮家橋經商

家林入古洋河長三千八十丈

小尹村溝在縣西接饒陽縣由鎮上村歸大河口入古洋河

長二千四百三十丈

東西溝在縣北大路旁自馮家橋至商家林接河間縣界長三千七百十六丈

孟家溝在縣東入劉武周河由青縣程家莊入淀長三百五十丈又縣東高官村溝亦入劉武周河長八百丈

均莊村西溝在縣東北下流引歸黑龍港長七百九十丈

歡留村溝在縣東北下流引入黑龍港長二千四百二十丈

又縣東北張丁窪溝亦入黑龍港長九百五十丈俱同上

房淵在縣北三十里康熙志方三百里今湮太平寰宇記石勒時水

忽變赤慕容雋時水忽生鹽委流入於滹沱方輿紀要

阜城縣

劉麟河在縣北七里上接冀州棗強之索盧河又東北入交

河界雍正志繞縣西三里東折經劉麟橋故名劉麟河縣志一名

阜城縣志 卷六 輿地畧 山川六

流冷河 方輿紀要

謹案方輿紀要胡盧河在縣西北七里流冷河在縣北七

里攷縣舊志胡盧河自故城縣西南五十里東北流入縣

境名劉麟橋河方輿紀要分爲二水非是

古漳河在縣西南自景州入縣境東北流逕劉麟橋又東北

入交河縣久涸 畿輔輿圖

王莽故河在縣西南卽屯氏河之下流今湮 方輿紀要 俗呼爲漫

河上接江江河自景州入縣境之塞馬鋪折東北逕沙窩又

東逕張家棗行又折北逕厲家莊又北東逕陳家菜園又東

北入東光縣界 畿輔輿圖

肅寧縣

古洋河在縣東南界自獻縣魏家橋流至龍泉橋經縣境十

餘里入河間縣界

縣圖說

古唐河故道在縣東南舊時澁水自饒陽縣入縣境東北流數里入獻縣境東北流八里復入縣境徐家莊至郭家樓入

河間縣界今涸

畿輔輿圖參縣圖說

青口河在縣北三里

縣志

河村河在縣北五里

甘河在縣西三里

灘頭河在縣東八里

海市河在縣西南十五里

俱同上

謹案府志以上五河皆澁水散入處與中堡河通流今澁

水自清苑入安州合府河入依城河故道多湮

中堡河在縣東北三十里舊時滋沙澁諸水溢入縣境又東

分流爲玉帶河雍正志

玉帶河卽中堡河之分流在縣東三十五里初歷五千淀達

於雄縣之瓦濟河後北入高陽歷新安雄縣而達任邱之趙

北口故道遂湮同上國朝朱椿芳訪玉帶河故道詩千里

歌斷流竭沙唐客渡稀剩有斜陽鴉選樹偶從積雨蚓盤畦當年澤畔行吟處一帶閒雲護野溪

大小橫河在縣北十五里軍莊村東上接城西瀝水下入大

窪縣志

白龍河在縣北二十里朱家莊東上接城南諸水下入大窪

同上

朱家窪在縣北朱家莊東北縣圖說

洋東淀五千淀俱在縣東南三十里舊時鐵燈竿口諸水散

流所匯今湮縣志

任邱縣

四角河在縣西北五十七里其上游一接高陽河一接長流

河一接白溝河過趙北口由柴伙淀入保定縣為玉帶河陸隴

其 畿輔

地圖說

謹案輿圖清河為東西兩淀之經流入縣西北楊家莊為

四角河東出趙北口廣惠橋東北流十餘里入雄縣是為

清河門

高陽河在縣北五十里自高陽縣流經趙北口入四角河縣志

長流河在縣西北由安州新安四及河流至趙北口入四角

河

白溝河由容城分流歷雄縣新安至趙北口入四角河

半截河在縣東南滿堂村自河間縣古洋河流入境下流入

五官淀

俱同上

馬道正河上自廣惠橋下至清河門嘉慶十一年知縣陳元

芳領帑修浚

縣續志

其南岸分支為岔河今名馬道支河下流

仍入正河

畿輔輿圖

大港引河在縣西北四角河分支下流至雄縣仍合四角河

鏡河在縣南其上游即玉帶河流經縣南八里會馬圈泊又

北至縣南三里會蓮花泊又城東南齊家泊亦流合焉又北

至五龍潭東出斜溝會於五官淀今淤

雍正志 明李時鏡河記畧任邱南去京

帥三百里當燕趙之交水陸輻輳河自沙唐滋清三岔口而下東北至河間又北迤於郎家莊滄流縈紆由縣匯於阿陵城凡商賈之所貿遷區野之所浸瀾百利是與腴壤攸賴邇來泉源涇沉淵藪墳墟荻茨載望民實病焉蓋十閱歲矣邑大夫鏡堂王君至之期年喟然曰夫令民者將導利而胥播於下也民賴其利而淤其源則焉用令乃鳩工量材孚上董下物土之宜因其便故徒庸之費取諸羨資民趨若赴不踰月而功成南北凡七十餘里廣十餘尋亘以巨隄袞若橫帶

較之往昔形利兼倍焉邑人士相與言曰斯河之流也鏡堂君之澤也則請以鏡名可乎予聞而嘆曰夫在邱之爲名也不以任君之故哉至今民猶戴之後世言鏡河者則君侯足稽焉二君俱不朽於茲邑矣君名齊字元修河南新蔡人鏡堂其別號云 王齊玉帶河詩一水中分曲抱城鳴蟬高樹晚峯青半天樓閣人橫笛遠地帆檣客上亭漁唱蒹葭秋泛泛龍吟風雨晝冥冥河橋酒市仙舟過疑是王維老畫屏

趙王河在縣西由肅寧河間入縣界縣志下流入雄縣採訪冊

謹案縣志梁家河趙家河臨河帶河大乾河清水河皆在縣西陳王莊等處今並淤

古唐河在縣東南自河間縣左家灣入縣境北流十餘里逕相子口又東北逕市莊東又東北逕東莊橋下又屈曲北流

入五官淀今湮

畿輔輿圖

滹沱河故道在縣南二里宋時自高陽縣流入莫州至金口

分界東北流入霸州文安縣境

方輿紀要

易水舊瀆在縣西北

雍正志

易水自易縣東逕鄭縣故城北又

東至文安

水經注

易水在鄭縣北三十里東入文安界合滹沱

太平寰

宇記

濡水舊瀆在縣西北二十里

方輿紀要

自高陽東北至鄭入易

春秋

杜預注

春秋昭公七年齊侯伐燕盟於濡上即此

明一統志

謹案縣舊志濡水歷安州屆高陽關過鄭州是濡水與澆

易互舉通稱也

澆水舊瀆在縣界

雍正志

澆水東北逕依城北又東北逕阿縣

故城東又東北至長城注於易

水經注

五官淀舊曰武濫淀在縣東北三十五里昔時鐵燈竿水匯

此入柴禾淀

府志今湮雍正志

白洋淀在縣西北五十里

府志方輿紀要作三十里

周六十里跨安州

新安高陽之境

方輿紀要

掘鯉淀在縣東南遇霖潦則淀溢

大清一統志雍正志皆作縣北

俗名掘

柳淀

太平寰宇記

淀在鄭縣之西

文選注

謹案此淀方位三說不同縣志謂由縣東南經陵城北流

入趙北口之西淀

狐狸淀在縣西北

雍正志

淀中有蒲柳多葭葦

太平寰宇記

葫蘆淀在縣屬司馬莊西

縣志

居龍淀在縣西北唐隄之西南有前塘後塘眾水所歸

謹案雍正志有前堂淀後堂淀在縣西北四十里當卽此

金波淀在香城屯西又荷花淀在縣南荷花村

黑耳淀在河口莊又滌淀在梁家莊旱則無水

三澇淀在縣北十三里又柳圈淀花草淀俱在市莊南

八角淀荒婁淀俱在東莊

俱同上

謹案府志以上十二淀今並湮

凡察淀在縣西北三十里

雍正志

北花淀在縣西北四十二里

池魚絲窩二淀在縣西北五十里

光淀在縣西北五十里

縣志作五十三里

龍王淀在縣西北六十里

俱同上

平陽淀大麥淀虎皮淀落網淀水落淀將水淀大港淀柴禾

淀俱在趙北口東西淀中

縣志

謹案唐書地理志鄭州有九十九淀今任邱諸淀總謂之

西淀其名存者僅三十餘皆無考

鮎魚泊在縣北八里

邢家泊在縣東北二十五里

齊家泊在縣東南

百家窪在市莊南

斜溝上自城東南相子口下至東北順子口明嘉靖十一年

巡撫許宗魯堵塞上下兩口以避衝決之患

俱同上

通利渠在縣南五里亦名魚君陂

雍正志

開元四年縣令魚思

賢開以洩陂淀自縣南五里至城西北入滄得地二百餘頃

唐書地理志

長豐渠在縣西北二十里唐貞觀中刺史朱潭浚其西南五

里亦曰長豐渠開元中刺史盧暉自東州引滹沱入此

方輿紀要

謹案府志引唐書地理志載入河間縣今攷太平寰宇記

長豐縣長豐渠在縣西南從瀛州東城縣界

即漢東州縣

入城

西北與古漕河合東州故城在河間東北六十里任邱在河間北七十里長豐故城在任邱東北六十里以地求之二渠當屬任邱縣界

官道渠在鏡河西南縣志

子貢陂在縣北縣志唐鄭縣令王遵浚陂民甚德之遵字子貢

因名大清一統志

五龍潭在縣北十二里潭上有龍母廟縣志

白龍潭在縣西十八里

黃龍港在縣東鎖井村有黃龍見井上因名

蒲地蓮花池俱在縣西北高郭城外俱同上

交河縣

衛河即運河在縣東五十里與南皮縣分界自東光縣流經

縣東南五十里之七里口又經縣東北九十里之馮家口入

滄州界

方輿紀要

謹案府志河循交河西岸北行二十里經泊頭鎮至黃古

隄屬南皮縣輿圖東岸南皮縣交界自十二里口起西岸

縣界自楊家圈起東北逕馮家口至好漢墳入滄州

滹沱河故道在縣北六十里自獻縣流經此北行入青縣界

一曰滹沱別河

畿輔輿圖

高河故道在縣西北五十里自河間縣流入境東流合於滹

沱

同上

謹案二水合處在縣北明統志謂縣南有交河以高河滹

沱合流而名疑誤

洺河故道在縣南五里

府志作縣西明統志作三里

卽阜城縣之胡盧河

下游也

方輿紀要

東北至西濟橋有倒流河導清河之水自北來

會之又東行里餘曰三岔口漫河自南來會之復東行轉北

與滹沱舊河合流曰三汊河又東北入青縣

府志

今無水

採訪冊

一名古漳河

畿輔輿圖

倒流河在縣東北九十里縣東境之水匯流於此西流四十

里會為三岔河注於滹沱故曰倒流一名蔡河

雍正志

清河在縣西二十五里

方輿紀要

漳水自故城阜城滎為清河逕

縣西南富莊驛又東逕縣東北六十五里散注於滹沱俗名

清河頭亦曰鹽河相傳五代梁時趙王鎔運糧於此以餉晉

師故又名趙王運糧河

府志

李村河俗名土河自漳水分流逕縣東北四十里李村橋又

東合於清河

雍正舊志

今涸

採訪冊

漫河在縣東自東光縣入縣東南張番莊北流至三岔口入

古漳河 畿輔輿圖

蛤螺河在縣北二十五里 明一統志 下流入於滹沱 方輿紀要

謹案輿圖亭子河自獻縣入縣西北東北流入滹沱別河

當卽此水

沙河在縣東三十里今涸

平成河在縣東北八十里一名陽氣寺古河 雍正志

張大窪在縣東三十里爲鍾水之處明萬曆中開溝五道以

通泮河 方輿紀要 又韃韃窪在縣東北七十里窪東窪在縣東北

九十里 縣志

甯津縣

黃河故道在縣西三十里自吳橋縣東南流入界又東北入

南皮縣境

案輿圖古黃河自吳橋入縣境東北流逕黃家鎮又東北逕李家橋又東北逕王家廟又東北逕沈

家橋入南皮縣兩岸廢隄隆然峭立居人謂之卧龍岡

方輿紀要

土河在縣南二十五里自山東德州逕德平縣西北流入境

又東入山東樂陵縣界

同上

谷家河在縣北二十里其上源即吳橋縣之龍灣也又東入

於土河

雍正志

謹案水經注篤馬河東北逕般縣故城西漢般縣在今德

平之北正甯津南界也故此河相傳為篤馬河

遲河在縣東四十里又流河亦在縣東四十里楊盤店西

縣志

俱入土河謂之三渡口

方輿紀要

黑水灣在縣南十五里

縣志

龍潭在縣西北二十里水深不測寒月不凍潭側有龍祠

府志

景州

衛河在州東十里自山東德州流入境

案輿圖自德州第七屯入州境羅家淺東

岸屬德州西岸屬州境東北流至安陵汎入吳橋縣又東北復入州屬又東北流至徐家莊仍入吳橋又東北至連窩鎮

入東又東北逕吳橋縣境入東光縣界

方輿紀要計程長二十四

里治河要覽與吳橋縣分轄以河心為界

縣志五代梁時楊師厚自

弓高渡御河而東逼取滄州即此

五代史

大洋河亦曰漫河又名沙河在州南大洋村上游接故城縣

下流逕桑園村東北入東光縣界長一百二十餘里

州志

江江河在州南江江村上接故城縣北瀝水東北過江江村

又入故城界又東北至趙魯村入州境又東北與大洋河合

入東光縣界

同上

謹案輿圖此河故道下流至永興屯與大洋河合又折西

北流入阜城縣亦名漫河與州志異考圖內所載江江河

與沙河合後又分支東北折入阜城正支仍入東光

古漳河故道在州西北自武邑縣入州境東北流逕劉八莊

樂家寨又東北入阜城縣

州志

黃河故道在州境西漢以前河流經此東漢以後河由干乘

入海故道為漳衛所經宋皇祐元年河合永濟渠注乾寧軍

復由此入海

雍正志

張甲河故瀆在州東自棗強縣東北逕武邑入州境又北東

入阜城縣

府志

張甲古瀆東北逕廣川縣故城西又東至舊縣

東會清河

水經注

胡盧河在州東北上游自阜城縣來北流入東光縣界五代

時導胡盧河以限敵騎於深冀景滄數州特以為險此其故

渠也今多湮廢

方輿紀要

青草河在州西十里

州志

李家河樊家河漳河俱在州東北導水入窪之路

同上

惠民渠在州北

府志

明宣德中大河北決自德州潰入境知州

劉深自城北隄外開渠導入千頃窪

方輿紀要

嘉靖時知州馬進

階萬厯時知州許東周復濬

國朝乾隆五年知州楊裕祖程士藪相繼開濬大洋河引入惠

民渠

蒲窪在州西七里

俱同上

千頃窪在州東北三十里其地卑衍舊為鍾水處

雍正志

袁家窪在州西南三十五里

州志

吳橋縣

衛河在縣西二十里方輿紀要作三十里與景州分界縣志河流至清水

灣屬吳橋又東北行四十二里縣志作三十八里入東光縣界府志

黃河故道在縣西南由山東德州入境東北行由城南至縣

屬玉泉莊會鉤盤河入甯津縣界縣志

鉤盤河在縣西南蓋唐時河流決入之道被以古名者自縣

東北玉泉莊會老黃河入甯津縣久涸同上今為衛河滾水壩

引河自德州曹村哨馬營起東北流入縣西南埝高莊又東

北逕龐家橋又東北逕大隄口橋又東北逕千佛閣又東逕

玉泉莊入古黃河畿輔輿圖

漫河故道在縣東南自德州入縣境東北至溝店鎮入古黃

河上流河形湮失同上

漳河故道在縣東二十五里舊自縣境引流東北入東光縣

界今涸

方輿紀要

沙河在縣西舊時大河分流由山東德州入境又北入東光

縣界一名沙浪口

縣志

宣惠河在縣西北自邢家窪起東北逕李上學莊又東北逕

大路橋又東北逕徐王窪又東北入東光縣

畿輔輿圖

夾河在縣東北十五里二水中分故名

雍正志

龍灣在縣東二十里淺深斷續流行東注入甯津縣為谷家

河

曹家窪在城西十里又梅家窪在城東十五里白草窪在縣

西南三十里

俱同上

謹案府縣志白草窪自乾隆八年歸入德州

東光縣

衛河在縣西三里自景州流入縣境又東北入南皮縣界方輿

紀在縣境者計程六十里治河要覽

漫河上流卽景州之大洋河流入縣境下流逕青縣鮑家嘴

入運河景州志

謹案輿圖漫河一自阜城縣入縣境東北流逕曹家莊又

東北逕弓高城又東北逕王家集又東北入交河縣一自

景州入縣境北流逕羅村橋又北逕鄒家橋劉獸醫橋又

北與阜城縣之漫河合流入交河縣

黃河故道在縣境卽衛漳所經之道雍正志大河故瀆東北至

東光故城西而北與漳水合水經注

漳河故道在縣西一里自吳橋縣流入境又北合於衛河方輿

紀要

宣惠河在縣東自吳橋縣入境逕石家橋北流逕郭家橋又

東北逕柳樹張家莊又東北入南皮縣畿輔輿圖

胡蘇河在縣東三里方輿紀要

謹案府志今之甯津漢東光縣地胡蘇河舊志誤入東光

今攷漢志東光有胡蘇亭水經注清水東至東光縣西南

逕胡蘇亭又東北右會大河故瀆又逕東光縣故城西許

商上九河之名亦言胡蘇在東光境中太平寰宇記臨津

縣本漢東光縣地隋開皇十六年於此置胡蘇亭為名唐

天寶元年改為臨津縣屬滄州又云胡蘇亭在縣西南二

十三里古胡蘇河邊齊乘云東光縣東連滄州有古胡蘇

亭案方輿紀要臨津縣故城在南皮縣西南六十里一統

志云臨津宋省入南皮金復置改曰甯津故城在今縣西

北二十五里臨津店今攷南皮南至甯津縣界五十里西
南至東光縣界十五里是漢之東光兼有甯津南皮地水
經注所云清水至東光縣西南逕胡蘇亭者當卽今甯津
縣境又云逕東光縣故城西當卽今東光縣境府志謂胡
蘇誤入東光非是

馬頰河在縣界後呼爲篤馬河唐貞觀元年開又名新河今

涸縣志

勒河在縣南二十里舊自安陵縣流經縣境入浮河明一統志唐

開元中開今涸同上

故城縣

衛河在縣城南自山東武城縣北流逕恩縣境入縣界繞城

而東入山東德州界方輿紀要南岸屬恩縣北岸屬縣境畿輔輿圖

在縣境者長一十六里

治河要覽

古沙河起自縣西北東北流入景州為大洋河

畿輔輿圖

曲流河起自縣西北柴莊東東北流入景州為江江河

同謹案此河方位與沙溪同當是一水

潢盧河在縣西南五十里一名索盧河

府志

亦曰枯河流經冀

州棗強縣界

雍正志

又北入阜城縣劉麟河

明一統志

今無水

縣志

沙溪在縣西北二十五里一名南河自武城縣界流入匯於

縣西龍潭又東北入景州境注於千頃窪春至則涸

方輿紀要

孟家溝在縣東二里漳水決入處一名柳行港自縣北逕景

州西為青草河又東北注於千頃窪今涸

大清一統志

龍潭在縣西三十里相傳元末有龍騰於此潭深不可測今

涸

縣志

天津府山

青縣

中山在縣南二里

廣輿記

西山在縣西南五里四周高峻其頂平行

大清一統志

謹案縣志境內無此二山蓋皆土岡昔人呼為山耳明一

統志謂中山高聳懸瀑數十丈其說近誕方輿紀要謂西

山昔人於此立營說亦無據刪之

滄州

條山在州北三里衛河之滸

大清一統志

謹案滄州志境內無山因州北有條山地名遂訛為山名

又傳會為唐陽城隱居之所案陽城傳城隱中條山非條

山考唐地志中條山在蒲州非滄州

南皮縣

大台山在縣北又有小台山在縣東北大清一統志南皮縣有大

小台山金史地理志小台山亦自大台山分脈府志

白馬嶺在縣東一里又竇家嶺在縣北五里

黑龍岡在縣東南四十里又五龍岡在城南五十里俱同上

鹽山縣

篋山在縣東南四十里方輿紀要雍正一名峽山太平寰宇記

浮水東逕篋山北魏氏土地記高城東北五十里有篋山長

七里水經注

騮山在縣東北七十里接山東海豐縣界一名小山大清一統志

陂陀綿亘跨山東海豐縣界方輿紀要國朝趙元福詩云驅車馬騮山烟巒鬱叢窳危盤

轉石徑人家依芳草騫步凌巘岈俯躬入幽杳中有千年樹奇姿何蒼矯誰藝四時花香妙色復好窮巔孤刹旁塔影照

林表淙淙瀉百泉流盛當年杪人間山水僻此地經過少錯
壤分直東距據有誰考靈精溯九河遠勢控三島攜壺坐翠
微靜聽
禽歌繞

鹽山在縣東南八十里地產鹽因名方輿紀要無棣溝又東北逕

鹽山東北入海水經注鹽山在鹽山縣東南八十里元和郡縣志晉

大興初段匹磾據薊為段末秬所攻將南奔樂陵石勒遣將

石越邀敗之於鹽山十六國春秋

關山府志作關山在縣東南九十里方輿紀要關山在鹽山縣東南九

十里太平寰宇記此山及鹽山並低小無峯巒樹木郡國縣道記

謹案舊志縣東南境止三十五里無鹽關二山即境外亦

無之攷海豐縣北六十里之馬谷山山後多鹽山地在今縣迤東

微南距宋鹽山縣即今舊城故城東南正八十里隋改高城為

鹽山以地有鹽山故名又南津逕馬谷驢山之間由大沽

口入海甬津下流卽無棣溝與水經注所載亦合馬谷山

當卽鹽山縣改名時山尚在縣境也長蘆鹽法志馬古谷字

訛之山在鹽山縣崔家口東三十里平地突起山腰有仙人

洞直曰山在鹽山縣亦確證矣闊山縣志謂百尺杆鋪前

土山高丈許東西里許卽闊山約距舊城六十里而里數

與太平寰宇記不符疑誤

慶雲縣

老烏山在縣治東由學宮文運井左緣城址蜿蜒一里餘至

甬津北岸縣志馬谷山老烏山皆無棣邑之山名太平寰宇記

長城嶺在縣南四十里大清一統志又卧龍岡在縣東二里甬津

河中縣志

天津府川

天津縣

海在縣東南一百二十里

雍正志 明汪必東觀海賦歲丁丑兮月季春日庚寅兮間芳辰立

東門兮望東海乘天風兮下天津進桂權兮蘭漿侶商船兮
 漁舫沽河兮橫直鳶魚兮下上發胸臆兮崔嵬弘襟帶兮泱
 泱遠危魂於四遊兮縱奇觀於萬象頓夙心其若降兮祛塵
 事之鞅掌苟神仙之可遇兮將脫蹤而借往蹇津人兮夷猷
 羌不行兮中流海天荒兮海崖幽日未極兮心神休天無風
 兮水自波空不雲兮霧常浮風颼颼以塵揚兮羌白日之忽
 改潮洶洶而山來兮撼草樹其顛沛蛟室寂而貝光寒兮蜃
 樓高而鼉鼓大圓四顧其無人兮恍罔象之害也十洲三島
 之神仙兮魂渺渺乎何在也指登萊其瓊居兮乃曰塵迹所
 屆也抑神仙樂帝遊兮又奚為彼界也亮夙昔之傳聞好事
 者誠好怪也奧有功莫秦皇兮勤徐市以東迎窮十年而不
 獲兮製連弩以毒鮫鯨暨漢武之效尤兮瀕海居其幾夕借
 公孫而竝緱氏兮空巨人狗雉之輕迹招吾魂兮四遊返桂
 權兮蘭舟舍小道兮鬼谷觀大化兮皇州擷華藻以為佩兮
 採白蘋以為飴記蹇修以為理兮結永好於靈
 修靈修之不吾以兮吾將就平陸於楚之林邱

衛河即南運河自靜海縣流逕縣西折而東北與白河會曰

三岔河

大清一統志

白河一曰潞河卽北運河自順天府武清縣流逕縣北三岔

河與衛河會同上

海河南北運河之會流也自縣東北三岔口至大直沽口長

一百二十里

陳儀直隸河渠志

大清河在縣西北自靜海縣入境是爲八里河口下流至西

沽浮橋與北運河合

畿輔輿圖

鳳河在縣西北卽今永定河下尾出口之道自武清縣入境

東南流至韓家樹入大清河

子牙河在縣西自靜海縣入境東流至小紅橋入北運河俱

上

淀河在縣北五里永定子牙清河之會流自河頭至丁字沽

入北運河長四十里

陳儀直隸河渠志

滅水河在縣境有二一自武清縣流至縣東南張家嘴入直沽此洩潞河之水者也亦曰筐兒港滅河今下流入塌河淀一自滄州北流至大直沽渡入直沽此洩衛河之水者也雍正

志參 畿輔輿圖

龍河在大沽通薊運河由海河入海府志

小南河在小直沽北十里宋於此置砦今訛為小南湖方輿紀要

闌河在縣城東南隅石闌一座引海河潮水週城四面由南城水門入順治十年閉塞乾隆元年重濬天津衛志

馬家口引河在縣東南一里許洩南淀之水乾隆五十六年

重濬縣志

澹家口引河在縣南十里許通永淀之利大清一統志或云卽賀

家口

華家園引河在縣南康熙間津鎮藍公引西南隅濠水灌稻

田由賀家口洩入海河今淤俱同上

大直沽在縣東南十里小直沽受羣川之流大直沽又在其

東南地勢平衍眾流漲溢茫無涯涘故有大直沽之名方輿紀要

元王懋德直沽詩極日滄溟浸碧天蓬萊樓閣遠相連東吳轉海輸稷稻一夕潮來集萬船袁桷詩二水赴滄海各行

殊未休長隄連古戍歸棹起輕鷗雨重雲光濕天低樹色浮京塵今已洗從此問菟裘臧夢麟直沽謠雜遝東入海歸

來幾人在紛紛道路覓亨衢笑我蓬門絕冠蓋虎不食堂上肉狼不驚里中婦風塵出門不險阻何况茫茫海如許去年

吳人赴燕冀北風吹人浪如砥一時輸粟得官歸殺馬椎牛宴間里今年吳兒求高遷復禱天妃上海船北風吹兒墮黑

水始知溟渤皆墓田勸君陸行莫忘萊州道水行莫忘沙門島豺狼當路蛟龍爭甯論他人致身早君不見賈胡剖腹藏

明珠後來無人鑿覆車明年五月南風起猶有行人問直沽傳若金詩遠漕通諸島深流會兩河鳥依沙樹少魚傍海

潮多轉粟春秋入行舟日夜過兵民雜居久一半解吳歌明薛暄詩潮來兩岸平風順一帆輕海闊浮雲白天低野樹

青久叨持斧容非是棄繻生岱嶽行看近秋高試一登印澹舟次直沽答彭彥實詩潞河澄澈衛河渾二水交流下海

門直北迥看龍闕迥極東遙望蜃樓昏孤城近水舟多泊列
 戍分耕野盡屯我有好懷無處寫欲沽樽酒對君論 宋訥
 直沽舟中詩旅思搖搖嗜晝眠舟人報是直沽前夕陽野飯
 烹魚釜秋火蒲帆賣鱖船詩有白鷗沙上興書無青鳥海東
 傳老為聲利閑驅遣少讀南華四五篇 曾棨詩近海巖烽
 戍孤城雉堞雄海流干派合舟楫萬方通島嶼鯨波外樓臺
 蜃氣中春來疑是錦煙綠曉霜紅 瞿佑次直沽詩長川波
 浪去漫漫直指東南送客還潮水四時來海上天河一派落
 人間挂帆商舶秋風順曬網漁翁夕照間暫倚船窗高望處
 青螺數點見前山 李東陽舟次直沽與寶慶謝太守詩二
 水斜通海孤村合抱城夜窗明月過春浦暗潮生憂國身將
 遠還家夢不驚留觀有親舊羈旅見真情 又直沽平潮詩
 海門晴雪浸金鰲百道沽來湧暗濤望極遠空知岸闕卧歌
 殘夢覺船高遙疑夢澤相吞吐不似胥江狂怒號時有海舟
 隨下上往來
 沙口不辭勞

小直沽在縣東南 雍正志 卽宋泥姑政和二年改曰河平 方輿紀要

謹案縣志今海口有尼姑在小直沽東南一百餘里方輿

紀要謂尼姑卽小直沽疑誤

葛沽在縣東六十里 雍正志

鹹水沽在縣東南六十里卽古豆子甌也

大清一統志 隋大業十

二年厭次人格謙為盜在豆子甌中王世充破斬之

隋書 河間

之豆子甌今鹹水沽是也東去海四十里

括地志

謹案以上四沽卽縣志所謂海河也大直沽以東又有賈

家沽元沽泥窩卧河白塘口劈地口三汊沽四里沽盤沽

雙港鄧善沽郝家沽東沽草頭沽桃園沽邢家沽上下小

沽皆海河所經特因地異名耳天津有七十二沽之名今

在縣境者實祇二十一沽皆從西潞河名也西潞河一名

西沽河在寶坻者二十九沽曰剪子沽南寨沽五道沽小

塔沽又小塔沽王家沽曹家沽葫蘆沽青稗沽于家沽梁

家沽貂子沽西魯沽東魯沽菱角沽砭石沽塔沽半截沽

大淘沽瑪瑙沽大駱里沽小駱里沽大沽灘沽北李子沽

南李子沽入道沽傍道沽西壯沽在寧河者二十二沽曰

齊家沽南沽江石沽大麥沽傍道沽捷道沽麥子沽東槐

沽中興沽北澗沽盤沽南澗沽鉤樓沽漢沽馬杓沽李家

沽又李家沽螳頭沽寧車沽塘兒沽田家沽豐沽此二縣

五十一沽從東潞河名也東潞河一名東沽河

西沽在縣東北納三角淀之水入直沽

雍正志

河形如丁字故

又名丁字沽

方輿紀要

國朝施士鑑詩停瀕郡西畔解渤水東隅橫帶五千淀遙隣七十沽上游收溱消

南泊瀉葫蘆合作朝宗勢平成湖禹謨釋成衡舟行丁沽詩放溜下丁沽人家半水居淺沙分井竈小市集樵漁榆柳

栽成巷茄瓜載滿輿波光浮岸闊星影入林疎土釜炊紅蠟青絲釣白魚帆收晴過牖燈上夜翻書雲卧人爭得鷗閒我

不如輕烟遙拂岸細雨不沾裾湧沫飄行

施狂波撼太虛荒荒千里外只此亦吾廬

大沽口在縣東南一百二十里

大清一統志

河流入海處兩岸壁

立一域中橫土人謂之海門鹹潮抵海門而止

明一統志

明李東陽海

門夜月詩海門東望極空明月裏山河影乍晴萬里滄浪天一色數聲靈籟夜三更水晶宮浸魚龍冷白玉城高鶴鷓輕不用扁舟泛寥廓已看奇絕冠平生

塌河淀在縣東北四十里一名大河淀北運河筐兒港藉以

蓄洩上無來源下通潮汐東南有小河入七里海雍正志

謹案輿圖縣東塌河淀引水東流逕西隄頭入甯河縣

麥子淀在塌河淀北水由腰河入塌河淀畿輔輿圖

七里海即北運河青龍灣藉以蓄洩者汪洋如海為縣巨浸

雍正志

信安灣在縣西北即漕河曲折處明正德中賊犯天津守將

賀勇過之於此方輿紀要

尹兒灣在縣東雍正志明永樂初建百萬倉於此因築城置衛

方輿紀要

漂榆津在府城東府志案漂榆津即今母豬淀長港會流之地今屬滄州境

靜海縣

海在縣東一百七十里縣志方輿紀要作一百五十里

衛河在縣城西北方輿紀要自青縣翟家圈入縣境北流至辛口

東北入天津縣方輿紀要

大清河即台頭河在縣西北自大城縣穿灰窩入縣境東北

流穿蒿浪泊入天津縣同上

鹽河即子牙河在縣西自河間縣流經此與順天府大城縣

分界雍正志又子牙新河自大城縣入縣西南境北流至瓦子

頭入舊河又東北至當城又東北入天津縣方輿紀要

辛張河在縣北大清河分支自霸州入境東北至羊芬港台

大清河

黑龍港河在縣西南自青縣入境北流逕灘子頭又北入子

牙河俱同上

界河故道在縣西北亦曰潮河古為滹沱易水拒馬三水匯

流處自文安縣流入合御河宋遼以此河為界故名大清一統志

或云即天津河縣志明昌六年通濟河勅設巡河官一員與天

津河同為一司金史河渠志

土河在縣南二十五里上流自山東德州逕德平縣西北入

境又東入山東樂陵縣界方輿紀要

寬河在縣東又遲河流河在縣東四十里流入土河同上

赤龍河在縣北又牛郎河在縣西縣志

謹案縣志以上七河旱則平陸潦則洪流為害

獨流口縣志作獨流河在縣北二十里大清一統志御河合潮河東北至

獨流口入海太平寰宇記其地有蒲葦之利縣志

蓮花淀在縣北辛口西

蒿浪泊在縣東北接天津縣界

千金泊在縣西相連又有秀才泊老君泊

周家窪在縣西其西又有蒲港窪皆黑龍港河緒蓄處俱同上

謹案九域志宋史河渠志皆以獨流口為御河入界河之處太平寰宇記則以為御河入海之處一統志云入海處蓋其東口是也

青縣

衛河在縣東一里方輿紀要自滄州褚官屯擺渡口入縣境北流

逕與濟鎮南又東北逕城東又東北至翟家圈入靜海縣續

輔輿圖在縣境者長九十五里縣志明張頌衛河詩城下西流遶衛河秋來雨急漲洪波排

空雪浪奔騰遠得水魚龍變化多兩岸人家分野色萬
株楊柳挂烟蘿漁翁不解東西路獨坐船頭發浩歌

興濟減河在縣南興濟鎮北三里大掃灣東岸明成化間因
會通河水漲浚此河以殺其勢東北流至歧口會捷地減河
入海長九十六里其在蔡家莊以西者屬青縣蔡家莊以東
屬滄州雍正四年建石閘以資啟閉乾隆三十六年改閘為

壩縣志一名北減水河

畿輔輿圖

黑龍港河在縣境有三支西支由河間縣流至遠南頭村入

境長十一里至空城村

亦名四呈口

與中東二支會中支自獻縣

雙隄口逕河間縣東北流至縣西長五十九里東支自獻縣
城南又東北流至李家西河頭入縣境長七十一里三水皆
無來源為河間獻縣一帶瀝水匯歸之道一遇水漲三支皆

由子牙河故道北流入淀

縣志

滹沱河故道在縣南三十里自交河縣東北流入境案輿圖至縣南

鮑家嘴方輿紀要明李攀龍詩滹沱來不極曉合運河色蕩孤城擊楫中流過寒帷下吏情天街

紆岸轉日上大波行獨在知津後風塵見濯纓姚景驥滹

衛合流詩蒼茫萬里兩流沖為共朝宗此會同滹衛恰宜紆岸裏濁清不紊怒濤中南來江練天雙白東逝海門日一紅最愛參軍姚氏處夾村明鏡玉玲瓏

漳河故道自交河縣東至杜林鎮與滹沱合流至縣南二里

鮑家嘴合於衛河其合處曰岔河口亦曰汊口水勢洶湧

闊數十丈雍正志

謹案舊志漳滹皆由青入衛自康熙三十六年漳水改由

館陶合衛縣境遂無漳流自乾隆二十九年滹水引由新

河口穿獨流疊道歸入子牙河遂不入衛今自杜林鎮至

盤古廟河形猶存

子牙河故道舊自獻縣臧家橋分為二支一西南流至縣境

合山東邱縣東北分流之漳水同歸於衛一西北流逕大城

縣為沿河又東北至縣西北十五里四呈口合黑龍港河縣志

清河故道在縣西南五十里縣舊志漳水支流也上自武邑縣

馬回公村起逕交河縣境北至清河頭村以下由賈家引河

新挑二溝分洩入漳河故道至祝河嘴入滹沱河縣志

獨流河在縣北黃御支流自興濟縣北今廢為鎮流逕縣境又北

入於易水謂之獨流水方輿紀要亦曰獨流淺雍正志元張寧

懋韻霽月中天見絳河黃流滿地漾金波荒陂野火兼漁火

短棹吳歌雜楚歌去雁已連家信遠聞鷗豈識客愁多江南

二月花如錦獨負歸期奈爾何明倪敬詩獨流清曉發高

下亂帆檣潮入雙塘淺風高孤樹忙荒祠煙火斷遠戍角聲

長男女勤生計葦藜聚海商

徒駭河在縣境縣志謹案漢書地理志滹池即徒駭由平舒今屬青縣入海禹

貢錐指今漳水由青縣靜海至天津鎮注於渤海即古徒駭河之故道宋張英請開木門泄徒駭河東流今縣西南三十里有木門店據此則昔時漳滹流經縣境者即徒駭故道也

潞河在縣境廣輿記流河鎮北故道久湮縣志

泗河在縣南夾河內水無源同上今縣南三十餘里有石家泗

河張家泗河王家泗河等村地勢窪下當即泗河故道縣志湛

河在縣南夾河內縣志上自交河縣吳家窪起至滄州紙方

頭侯家莊入縣境窻莊東北至雙橋至魚兒窪尚有河形土

人呼為寬河縣志

南淀在縣南十餘里俗呼為魚兒窪滄州一帶瀝水畢匯於

此淀西有洩水溝二道乾隆二十九年又開再塔寺莊水溝

一道同上

盤古溝在縣南十五里流入於衛濟運治河水深三丈大旱

不竭

九域志 明王家彥盤古深潭詩曲徑孤村古廟殘下臨潭水擁湍瀾濤驚不見鼉鼉窟崖峭那尋瀉鵝灘漠

漠斷碑橫草底蒼蒼老樹入雲端煙波日暮漁人去明月一灣萬丈寒

西灤在縣東南橫亘十餘里秋水漲時多魚鼈蒲蘆之利府志

明張縉西灤詩水國禾生秋水餘家家生計任樵漁短鎌刈得乾蘆荻乞水船頭煮白魚

謹案宋史河渠志有塘灤之名蓋藉緣邊諸水以限遼也

今惟西灤猶仍舊稱

天妃池在縣南二里縣志

蓮花池在城南八里明隆慶中淳沱決口處同上

滄州

海在州東一百三十里州志方輿紀要作一百八十里國朝李之嶧觀滄海日出歌曾陟虞

山之峯維摩寺中有楚僧好談異咫尺蓬山一島孤幻影驚
看曉日出又聞岱宗絕頂巖扶桑夜午已堪辨撼波一抹海
天孤倏爾明霞奇難篆年來屏居滄海曲竹雨松風隨斷續
披露坐玩玉繩明烘牖卧酣羲輪旭懶軀無匹亦無醫食貧
有道差可辱喜隨驄馬侍御蹤更追花磚學士躅地平競頌
海無波天成欣靚燭調玉九歌勿壞六府修臣力當竭臣心
篤荒度經年溟海濱衝泥揭水隨鴻鵠一朝信宿海上村海
風吹我爽如浴南瞰州兮城徐福一去烽火走青北望麻姑
臺方平何處雪浪成堆吁嗟乎秦始皇漢武帝英雄天子氣
蓋世經國不知稼穡難海上求仙究何濟我皇御世陟禹
迹殫力溝洫諮碩畫夢卜良彌度有人多士雲烝爭奮翻雷
塗不識微躬勞探奇子夜來沙碩蛤蠓灘潔如雪風潮音迅
若決遠星厯厯互明滅此時漢影正西垂此時蛟舞鼉猶咽
漚鳥互驚飛且鳴東來一炬紅勝血橫如大火流莫追升如
立電光轟掣蒼龍閃目驚爍睛象緯笑指啟明徹須臾巨浪
如擁銀又疑玉塔影倒結琉璃世界水晶宮月晦見月真奇
絕天光欲曙海氣寒黑雲匝布如屏列微茫漸覺星光疏絳
霜頓開綺霞撒萬頃金波擁金輪燎原共驚光焰烈轉瞬一
躍尺五天花蓮猶燦暘谷穴誰遺巨靈擘乾坤陰陽互根萬
象陳堯舜當宇化理醅耕鑿干村作復息梯航萬里尊且親
無分南北東西四海秀頑老
稚貴與賤同是葵傾就日人

衛河在州城西自南皮縣馮家口入州境又北逕高官屯北

入青縣 畿輔輿圖

南減水河在城南十里明宏治三年防衛河衝溢開此瀉水

旋塞

明史河渠志

國朝雍正四年復濬河長一百八里 州志

北減水河在州北四十里自青縣興濟鎮首受運河東至蔡

家莊入州東又東北入海長五十一里雍正四年濬

石碑河在州東南四十里自南皮東北邢家莊起名河頭下

流合南減水河

俱同上

本名盤河

元史河渠志

宣惠河分支

畿輔輿圖

宣惠河在州南九十里自南皮縣張家莊起至鹽山燕子窪

止河長三十八里二十四丈屬州治乾隆五年開濬

州志

流黃河在州西北里許上流名龐家河東入石碑河

同上

毛河即屯氏河在州西南五十七里

方輿紀要

南皮古毛河自臨

津逕縣入清池

唐書地理志

毛河在清池縣西南又東入鹽山縣

界

太平寰宇記

陽通河在舊州城東南十五里唐開元十六年濬下流合於

毛河

方輿紀要

明溝河故瀆在州西

雍正志

清池縣西四十五里有明溝河隄

東南十五里有陽通河

唐書地理志

無棣河故道在州南

雍正志

滄州清池西南五十七里有無棣

河開元十六年開

唐書地理志

一名無棣溝

水經注

謹案元和郡縣志無棣河在饒安縣南二十里太平寰宇

記無棣河一名赤河在饒安縣北二十五里案縣志在饒

安縣南者係枝瀆不經州境在縣北者是

浮河在州東南五十四里自河間府東光縣東北流逕州界

雍正志 浮河自東光縣南界永濟渠分流東北逕滄州南十里

又東北逕州東一里又東北入海太平寰宇記

謹案輿圖浮河即今石碑河

王莽河在舊州西一里東北流合褚家河楊家河又東流合

黃河州志

謹案水經注王莽河故瀆在今景州之河溝村即合鎮與衡

漳會舊州城西不得有王莽河故道此或因上流自王莽

河開決遂有此稱也

清河在州東北清河枝津右出東逕漢武故臺北臺在州東北又

東注於海水經注

徒駭河在州西大清一統志清池縣西五十里有徒駭河隄永徽

三年築唐書地理志與清池相接太平寰宇記

胡蘇河在饒安縣西五十里元和郡縣志一名赤河太平寰宇記

謹案饒安舊縣在州東北七十里此河當經州境

迎河在清池縣西南二十三里從南皮來太平寰宇記

謹案清池舊縣在州東南此河當在州境

九女河在州東七十里府志相傳有劉氏九女葬此因名雍正舊志

長蘆水在長舊縣即今州治西南五里太平寰宇記宋黃庭堅次長蘆詩篙師救首尾我

為制中權掛席滿風力如摧強弩弦曉放白沙口長蘆見炊烟一葉托秋雨滄海百尺船反觀世風波誰能保長年念昔

聲利區與世閱周旋大道甚閒暇百物不費捐誰知目力淨改觀舊山川明趙完壁晚泊長蘆詩晚泊長蘆月涼生瀛

海風雲川悽暮笛岸葦泣寒蛩酒盡空明裏詩成款乃中天涯浮桂棹星畔老槎翁宋訥舟過長蘆詩列肆亭臺土已

冰舊時和氣冷如崩城池人物分今昔市井繁華間廢興斷壁野花迎客棹壞橋津柳曬漁罾誰知兵後商人少歲課猶

隨園用增

謹案水經注漳水於南宮故城西分爲二水其右水東北

注出石門謂之長蘆水是長蘆水即漳水也太平寰宇記引水經謂水出洛州列人縣非是

長港在州西北海濱一名大溝窪其西口名母豬港南北減

河石碑河皆由此入海畿輔輿圖

平虜渠在州北大清一統志平虜渠在廢乾符縣在州東北南二百步

太平寰宇記魏武北伐匈奴開之元和郡縣志

李彪淀在州西南十里方輿紀要清池縣西五十里有李彪淀東

隄永徽三年築唐書地理志

大連淀在舊州東南十四里縣志浮陽城即舊州治南有大連淀輿地

志滄州南有大連淀齊乘

大浪泊在州東七十里州志

蔡家窪在州東南楊家橋南石碑河流經此畿輔輿圖

燕子窪在州東南接鹽山縣界宣惠河流豬於此同上

薩摩陂在州北大清一統志薩摩陂在長蘆縣北十五里周迴五

十里有魚蒲之利元和郡縣志

三堂灤在州北大清一統志一二云三塘泊河間府志宋時舊有三堂等

塘灤為黃河所注後河改徙灤塞州志熙寧六年命屯田使閻

士良專修樸椿口增灌東塘淀灤宋史河渠志

謹案州志中堂窪在州東北百四十里又南堂窪在州北

去中堂窪四十五里按此二窪當即宋之二堂灤遺跡

件清池在州東南大清一統志水澄味鹹未嘗枯竭太平寰宇記大連

淀水溢破件清村因為池輿地志今日大梁五龍堂元至元丁

亥重濬齊乘

毛公井在舊滄州城內雍正志清池有甘井開元二十一年令毛

某母苦水鹹無以養縣舍穿地泉湧而甘民謂之毛公井

唐書

地理志

南皮縣

衛河在縣西二十里

方輿紀要

自東光縣流入境與交河縣接界

又東北流至馮家口白羊橋入滄州界

畿輔輿圖

迎河在縣城北即衛河之支渠今堙

方輿紀要

清河又東北逕南

皮縣故城西王莽名縣曰迎河亭舊有迎河瀆自縣境東流

入清池縣界合於浮水

水經注

南皮北有迎河分漳河入浮水

輿地志

志

宣惠河在縣東南自東光縣入境逕劉蛤蟆莊其分支東北

流俗名馬頰河下流入滄州為石碑河其正支東流仍入東

光縣東流復入縣境泊家莊又東北逕龍堂東入滄州

畿輔輿

圖

古黃河在縣東南五十里岸高丈餘中寬里許迴環境內三

十餘里

縣志

自甯津縣入境東北逕馮家莊砥柱橋又東逕甯

津及山東樂陵縣境又東入鹽山縣

畿輔輿圖

毛河故瀆在縣南東北流入滄州界

方輿紀要

開元十三年自臨

清縣南開毛河入清池縣

唐書地理志

鬲津河故瀆在縣東南四十五里又東逕慶雲縣

縣志

王莽河故瀆在縣城南疏濬可洩東南瀝水

銀鈎河在縣城西北疏濬可洩縣西瀝水

俱同上

狼兒口

雍正志作郎兒口

引河在邱淀東元延祐二年御河水溢下

流淤塞害田廬

縣志

延祐四年開郎兒口決積水由滄州城

北川達於海

元史河渠志

有大隄亘五十里東屬滄州境西屬南

皮境

河間府志 元劉沂濬川碑記畧御河源通漳水東迤北經景陵滄等州地而入於海南皮滄之屬邑也與景

之吳橋東光接境河水至是勢益大夏秋霖雨隄岸決齧其害愈劇不決於陵則決於景而無歲無之邑東北去四十五

里有狼兒口遇河泛漲實受所衝故疏則下達於海塞則大釁民田口之北皆長盧府庫屯地泰定初彼欲專其利以力

塞之隨遺邑民壑溺之患前掌邑政者上陳利害奉都省移檄部屬遂命疏通使彼此各安其業典冊俱存昭昭可考迄

至元五年凡涉十有六載未嘗有異是歲季夏河決於陵之界直趨河口職屯田者謂歲月遠而無稽縣邑不能禦復塞

之時懷來王公君美適尹是邑極言其弊奉省檄體前議以行使民不被其害公既解篆繼任是邑者有若縣尹馬公克

昭主簿宋公伯成典史張士廉臨政之暇輿念及此僉曰河口水之所經或塞或決終無一定之規簿書僅存恐不可久

恃他日復為水害何若勒之貞珉以視無窮使後欲壅水害民者凜焉知畏不亦善乎乃各捐俸金為之助耆老劉榮祖

里正黃進道社長李澤首倡鄉耆樂輸錢穀若干緡募工伐石請豎於河垠之上屬予為文以記之

邱淀俗呼蔡家窪在縣東北四十里縣境諸水皆匯此東注

縣舊

志

謹案此窪今屬滄州境

寒冰井在縣西

雍正舊志

寒冰井在縣西一里魏文帝與吳質書

憶昔南皮之游浮甘瓜於清泉沈朱李於寒冰卽此井也

寰宇

記

謹案縣志載九河故道徒駭在縣西北太史馬頰在城南

覆繡在東南胡蘇在西城下簡潔鈎盤在西北鬲津在東

南豈有一縣之地九河故道皆在其境乎康熙通志沿其

誤其故道已詳見河渠茲不贅

鹽山縣

海在縣東北一百二十里

縣志方輿紀要作七十里

古黃河在縣南四十里自慶雲縣北入縣境又東入海豐縣

界縣志卽無棣溝上流不可考自縣西南邱家莊始有河形

畿

輔輿圖

明盧雍過古黃河詩二首蒼茫沙草接天低不見

黃河見古隄九曲西來經此界一從南徙遂成蹊懷襄當日

功思禹汎濫頻年患在齊沈壁燔牛成底事空傳金帛委塗泥
漠漠平沙落日低野煙荒草暗長隄居民猶說黃河迹
過客翻尋上國蹊桑海變遷經世代輪蹄來往
雜燕齊巡遊慨古吟成句又笑征鴻踰雪泥

謹案金史地理鬲津河至無棣溝又東北逕鹽山縣東南

水經注無棣溝幹瀆又東經樂陵郡北又東屈而北出又

東南逕高城縣故城

在縣南六里

南與枝瀆合據此則黃河在

縣境者卽鬲津下流無棣溝幹瀆也

宣惠河在縣南十里自滄州入境東流爲劉公渠又東逕城

南又東會明泊窪又東會無棣溝又東入海豐縣會老黃河

叢輔

輿圖

鬲津河在縣南自南皮縣入境東南入山東樂陵縣界又東
北逕鄧家橋又東北至王雙全莊入縣界之毛家集又東至
慶雲縣又東至南臺橋復入縣界之崔家口又東入山東海

豐縣界至馬谷山北又東由大沽河入海縣志

謹案此河卽無棣溝枝瀆卽輿圖所載之老黃河

浮河在縣東北百里自滄州流逕此入海方輿紀要鹽山縣有浮

水元豐九域志浮水故瀆首受清河於浮陽縣界東北逕高城縣

在今縣治東南之宛鄉城北又東逕章武縣故城又東逕篋山北水經

注

毛河在舊縣城南十步東北逕丁村曲河等村入海縣志毛河

在清池縣西南入鹽山縣界又呼爲棣河太平寰宇記

鹽河在縣東南上接諸窪下流通宣惠河縣志

程村引河在縣屬程村入高灣界東至沃土莊南會宣惠河

入鬲津河同上

劉公渠在縣西南五十里明萬曆四十二年邑令劉子誠開

方輿
紀要

明泊窪在縣東三十里縣志周數十里有溝下流入宣惠河畿

輔輿
圖

海溝在縣東北有二一在趙家鋪長數里一在徐家鋪縣志

和尚溝在古黃河南岸舊時淤塞咸豐二年以淫雨害田民

疏通之

黑龍潭在縣南十八里夏雨積水成潭上有龍王廟俱同上

慶雲縣

鬲津河在縣城南上流稱老黃河故道久湮今洩衛河之水

自鹽山縣流入境十二里抵城下東流又轉而北至南臺出

境又入鹽山縣界縣志一名鬲河雍正志明楊州鶴詩灣灣

流風送遊鱗潛荇底月將宿鷺過橋頭一聲水笛銀河靜兩
岸漁歌花縣秋不信飛仙隔弱水人間亦有瀛洲國朝

潘國詔詩甬津河與海東連蕩樂城南夜泊船幾幅蒲帆收
夕照一聲漁鼓隔秋烟生來不受風塵浼到此重尋水月緣
相去桃源知遠近虛舟乘興任飄然 李與祖詩甬津環遠
棣城邊水涵誰還理釣船漫說中流曾鼓柁徒看古渡已揚
鞭決排事復籌今日疏鑿功猶記昔年
為憶九河名尚在不堪憑弔海為田

陷河在縣南二十里一名簡河

縣志雍正志府志皆作三十里

無棣縣北有

陷河闊數里

齊乘

又名獻河卽河間府甯津縣土河下流自山

東樂陵縣流入

雍正志

縣西北之水多匯於此又東入山東海

豐縣界

方輿紀要

又東北逕縣東境又東北由海豐大山前至月

河口入海

縣新志

謹案縣志陷河之名見於齊乘蓋卽咸河之轉聲水經所

謂東入陽信之屯氏別河北瀆也故道已湮今河乃唐所

開馬頰新河與屯氏別河南瀆相近故樂陵志又謂之篤

馬河

义河在縣南三里又紀家河在縣南五里下流俱注於鬲河

雍正志

城子河在縣東南五里逕無棣故城北府志

亭子河在縣東南十里流入陷河同上

胡蘇河在縣西南十二里雍正志自山東樂陵縣入縣西南界

至城西三里入馬津河縣舊志案馬津當即鬲津之訛

馬頰河在縣西南自山東樂陵縣東北流入境經分水鎮東

北十二里至城東南隅入鬲津河縣志

謹案此河當即雍正志之陷河縣志兩載誤

鈎盤河在縣南四十里自樂陵縣入縣界又東逕海豐縣南

界又東北入海縣舊志或云即陷河之南派山東通志一名覆舖河

畿輔

輿圖

無棣溝在縣北十五里

縣志

自鹽山縣流入縣境黑牛王店北

又東入鬲津河

縣志

一名無棣河唐滄州刺史薛大鼎濬今

堙方輿紀要

唐劉長卿晚泊無棣溝詩無棣何年邑長城

作楚關河通星宿海雲近馬容山僧寺白雲外人家綠渚

明月沽

方輿紀要

在縣東北七十里

府志

城東匯水之區

明一統志

東接馬谷山瀕海煮鹽處

方輿紀要

謹案此沽當屬山東海豐縣境

八會口在無棣縣北

齊乘

水流交會處

方輿紀要

滄州南境之水匯

此入陷河

雍正志

落雁灘在縣東北十里鬲津河灘中

縣志

飲馬池在縣東四十里掛甲口陷河中嚴寒不凍

同上

畿輔通志卷六十三

略十八 輿地十八 山川七 正定

正定府

山

正定縣

金粟岡在城內府學建其上

縣志

雕邨在縣西北十五里梁夢龍別業在其下趙南星有雕邨

莊記

同上詳古蹟

井陘縣

雪花山在縣西三里滿山叢林盡開白花故名一名護城寨

俗呼西頂高聳而秀頂平坦可容萬人山徑崎嶇西連百花

山山半有甘泉從石罅出汲之不竭上有龍王堂禱雨輒應

綿蔓河流繞其下

縣新志

天臺山在縣東十里宋靖康間土人避兵於此府志

百華山在縣西十里林壑深邃石磴崎嶇方輿紀要旁有唐張果

洞縣志

天清山在縣西南十里府志

大臺山在縣西北二十里趾削頂平雄秀甲封內亦名五峯

山大清一統志有仙人洞縣志每臺頂有雲卽雨邑人以此占驗府志

宋靖康間女真入犯居民多避兵於此方輿紀要

清風山在縣東三十里有聖水洞府志又有龍泉祠旱禱輒應

縣志

劔山在縣東三十里微水村同上府志作十里秀削如劔潛確類書

石人山在縣東南三十里府志

筆架山在縣南三十里

雲鳳山在縣東北四十里相傳昔有彩雲彌覆丹鳳來集故

名俱同上山勢迴翔有險可恃元末土人保此曰鳳山砦方輿紀要

中有九龍觀縣志

謹案縣志此山在縣西北十五里鳳山村方向里數與府

志雍正志一統志均不符攷縣輿圖山實在縣治東北而

里數則以縣志為是

城山在縣南四十里縣志府志作一作障城山以山似城

垣而名金末武仙餘黨趙貴等據山侵掠蒙古將焦德裕擊

平之明初大兵下井陘別將費聚取城山砦是也方輿紀要

觀音坨山在縣北四十里形勢巍巍連亘數里府志上可容千

餘人中有清泉飛瀑遶流而下方輿紀要

鳳凰山在縣北四十里縣志

仙翁山在縣東北五十里府志 康熙志 雍正志皆作四十里上有紫雲洞相

傳張果尸解處大清一統志下有通仙觀縣志

井陘山在縣東北五十里與獲鹿接界雍正志 方輿紀要作東南八十里即

太行八陘之第五陘也四面高中央下似井故名之元和郡縣志

河北道名山曰井陘唐十道志井陘山在井陘縣東南入十至穆

天子傳天子獵於鉞山即此太平寰宇記井陘之道車不得方軌

騎不得成列漢書陳餘傳為河北河東關要今縣境諸山錯列大

約與井陘相連接俱太行之支隴也方輿紀要一名陘山上有石

鼓寺瀑布泉縣志

行龍山在縣東五十里上有蒼巖聖母廟府志

神山在縣東南五十里縣志巖谷幽邃方輿紀要上有山神祠府志

西屏山在縣東五十里峯巒連亘宛若列屏上有白雲洞雲

出輒雨縣志

射堞山在縣東南六十里大清一統志相傳秦將王翦伐趙立射

的於此名勝志

謹案此山府志作五十里名勝志作縣南三十里與一統

志縣志不符

馬頭將軍山在縣北六十里府志作二十里樂陽村縣志

團尖山在縣北六十里峯圓而銳大清一統志又名掛雲山府志

望山在縣北六十里同上

屏峯山在縣北六十里西焦村縣志

雙峯山在縣北六十里西焦村東南

靈山在縣北七十里俱同上

曬袍山在縣東南七十里相傳妙陽公主曬袍於此府志

鑿臺山

明一統志雍正志府志鑿皆作鸞縣志作鑿駕山

在縣東南七十里

大清一統志

明一統志作縣南十里

相傳隋文帝邀其女妙陽公主駐蹕於此

明一統志

蒼巖山在縣東南

府志作西南

七十里

縣志

危峯疊翠高出雲表中

有石泉隋妙陽公主久疾浴此泉遂愈因建福慶寺

廣輿記宋石

存仁詩萬景臨諸壑千峯供上方重重烟鎖翠渺渺樹含蒼雨過增山色風來遞草香悠然舒遠性塵世見羲皇 國朝

魏一鰲詩云山怒拔天外雲閒不受拏檀林矢白日藥草薦新茶礪陡梯登岸樓空曩放花黃昏鐘磬發驚起欲棲鴉

謹案隋書文帝二女一為周宣帝皇后一適柳述文帝亦

無幸河北駐蹕事諸志皆沿譌載縣志以煬帝南陽公

主當之按南陽公主適宇文士及後士及奔長安化及被

圍聊城城破就擒公主隨建德歸洛州削髮為尼建德敗

其妻曹氏以洛州降公主復至長安是公主為尼當在洛

州井陘距洛州幾二百里中隔邢州公主斷非在此修道

新縣志所引亦屬牽強

東窰嶺在縣東五里

縣志

驢橋嶺在縣西十里嶺口為戍守處

方輿紀要

列仙傳張果騎驢

困乏於此一名乏驢嶺

府志

鳳凰嶺在縣北十里

同上

兩下嶺在縣西三十里

縣志作二十五里

山脊隆起東西陡削如牆

壁然

方輿紀要

鹿耳嶺在縣北三十里

府志

山脅兩開形如鹿耳因名

方輿紀要上

有廣生祠

縣志

趙莊嶺在縣北三十里

同上

青石嶺

康熙志作青泉嶺

在縣北

府志作東北

三十五里上產青石

雍正志

險峻狹隘車騎不能乘

縣志

本名叱日嶺舊屬平山縣界唐景

福三年李克用敗成德軍於平山王鎔出兵赴救敗於叱日

嶺卽此

大清一統志

白石嶺在縣東四十里古名白皮關漢淮陰侯下趙趙關將

戰死於此今有白面將軍祠

府志 國朝申涵光題白面將軍祠詩兵行競詭道趙人自愚

直遠鬪罷可乘抱險守亦易泚水揚赤波草草成空壁將軍

恥雷同赴死豁胸臆姓氏泯無傳徒聞貌白皙想當盛趙時

埋名效微職吁嗟廣武君傾心媚讐敵

割鬚嶺在縣東五十里接元氏縣界

府志

相傳漢光武擊赤眉

駐蹕於此元氏尤來大槍之徒皆割鬚變帽由此遁去因名

大清一統志

嶺南又有磨兒寨

縣志

仰字嶺在縣東五十五里下安村今譌爲亮子嶺

府志

金珠嶺在縣東南七十里

康熙志

縣志

下有泉

府志

抱懷嶺在縣北七十里

同上

石牆一統志嶺在縣東南八十里縣志作縣南六十里懸崖險峻路僅

一綫方輿紀要

柏山巖在縣東南十五里山多產柏甘洵河遶其下府志國朝

高嶠詩杖拖帶秋雲迢遙躡層嶺長林半葉紅朝旭倒其影一徑入深荒到寺塵心屏竹樹何蕭蕭水泉何冷冷奇靜愛

山僧引勝窮靈境週圍嵐氣合中轟蓬峯靜老柿密參天居人類箕穎

慈佛巖在縣南四十里障城村北縣志

千佛巖在縣東南四十里山高三百餘丈寺在絕頂府志兩壁

鑄千佛像雍正志

達滴巖在縣西北四十里府志

天晴巖在縣東五十里舊傳李左車行師遇霖雨至此忽晴

曬甲於此故名相近有牛欄寨峭壁懸崖宛然牛狀尾閭清

泉淋漓達頂土田平曠縣志

聖母巖在縣東五十里黃都村南

嬰子巖在縣南六十里同上

謹案雍正志蠅子巖在井陘縣東南四十五里當卽此

智公巖在縣東南七十里蒼巖之東縣志

龍泉峪在縣西十五里峯巒幽邃中有龍泉寺寺門有泉禱

雨輒應府志

牛口峪在縣東南五十里雍正志作七十里明一統志在臨城縣西二十五里竇建德

與唐兵戰此敗沒同上

謹案新唐書唐武德四年秦王連敗鄭師王世充不敢出

求救於夏竇建德來救五月自板渚出爲陣西薄汜水東

屬鵲山亘二十里鼓行而前秦王登虎牢城望其軍按甲

不出待其飢苦大破之建德重創竇牛口谷車騎軍白士

讓楊武威獲之初其軍謠曰豆入牛口勢不得久至是果

應汜水虎牢皆在河南於井陘無與府志引此失考

馬子峪在縣東北六十里上有聖母祠唐武德元年勅建祠

東時有白馬隱見故名土人於此禱雨縣志

蔡莊洞在縣西五里蔡莊村

牛王洞在縣東十五里

北峪洞在縣西二十里俱同上

長銀洞在縣東南四十里舊嘗產銀方輿紀要洞內水深莫測府志

桃花洞在縣西北四十里放口村

赤石洞在縣西北六十里俱同上

獲鹿縣

牛山在縣西一里上有雙井其水湧出四時不竭鹿水匯於

其下

康熙志 明衛禎國牛山察院示後碑記略獲鹿之北若西環負兩山皆孤峙峻峭無所附麗距城不里許登

巔俯瞰而城中虛實之形勇怯之情不啻燃犀招午渚也戊寅失守坐此若是乎兩山為城累也有急則空城直走抱犢

諸山苟且圖存不顧其後即不去議守亦惟以安危予地成敗予天付之莫可若何已耳是鹿城之不利有兩山也人以

兩山偏處而難乎守予以為兩山未嘗不可守則又非鹿城之害而實鹿城之利也前焉不議守而罪山今議守城而先

議守山將不罪山而且功山矣壬午之冬邊吏不戒復入陘關兵使訊注於鹿乃鑿前車勅守外據險之說與邑令度趾

鳩工殫勞捐費兩山各建一臺臺各重層約高三丈中可容百餘人四望遠闊上下周方皆足制敵之死命令其不能近

城一步余亦發贖金百鏹襄茲盛舉不匝月而兩臺俱告成功矣屯兵蓄糧張旗位石礮暮鼓晨鐘於其上登斯臺也全

城如在懷抱中卧而守之閒如也山下為固關孔道有此臺將斷西奔不直守城亦兼守關今而後吏茲土者可少放膽

舒眉矣而山亦告無罪於從前矣此實係一方保障乃命伐石志之用告後之備於斯令於斯者

奇石

方輿紀要

山在縣西北二里怪石峻起縣之鎮山也大石作治

清一山脈自虎山東北迤邐而東環繞城郭

縣志

壘奇石山磨崖

記略獲鹿自漢以來號稱名邑邑西北粵有含滋吐潤濃翠如勻不險不夷獨秀而野按之圖經實所謂奇石山也環邑

皆山而山之大者青嶂碧巘雲岫烟嵐峩峩萬疊一帶屏列而危巔峻嶺又且連亘重複有弗絕者宜睥睨此山迤邐而不足道然境勝地靈特為逸人高士所愛里人好事者曹人劉清於山之阿穴石為二洞命其名曰純陽曰修真學道者居焉洞之頂有地爽壇坦然如砥平廣袤百步冠禍之侶因議建三清殿以崇奉高真由是鳩材僱工閱數月告成巍然突兀屹立於上眾所欽戴也顧不偉與殿落成欲刊諸崖石而紀之以垂永遠來請余記余昔為布衣時每因暇日歷覽此山之勝故余喜道其事而為之文也天會十五年十月十五日記

海山在縣東五里上有龍堂堂下有穴水常不竭康熙志金元好問

詩海山曉日到禪林階下長松掃白雲安得同僧共此話鳥啼花落日相聞

卧龍山在縣北五里其形如龍因名府志

虎山在縣東北七里其勢雄峙一名虎峯方輿紀要一名虎頭山

縣志

蓮花山在縣西七里上有碧霞元君祠

磨兒山在蓮花山北層疊如磨故名

九里山在縣西八里自井陘至獲鹿迤邐九里故名俱同山

脊如刀又名刀刃嶺府志

抱犢山在縣西八里舊名草山雍正志康熙志誤作草韓信伐趙使輕

騎二千人持赤幟從間道草山按草讀曰蔽雍正志方輿而紀要皆引作登草山誤

望後遂呼為草山後魏葛榮之亂百姓抱犢而上故以為名

太平寰宇記又云抱犢者古有其名也即道家謂之北嶽佐命是

也名山記以為福山之數可避兵水也元和郡縣志上有抱犢福

地石刻縣志山四面險絕頂有二泉大清志山陽有交龍洞洞

內有一石盤原本作石碁盤一紋如二龍交抱之狀又東南

嶺有草名玉照夏發枝冬生花高五六尺潛確類書隋仁壽末漢

王諒舉兵并州遣其將劉建圍井陘李子雄發幽州兵擊之

破於抱犢山下方輿紀要元劉因詩亂山西出獨崢嶸合在仙經第幾名物外高閑真有意亂來險固

亦堪驚太行穠秀霜浣盡全趙規模天鑿成珍重幽人留顧
盼封龍英爽未全平 國朝王士禛詩云荒荒懷古心悠悠
鹿泉路不逢抱犢人悵望青山暮 李騰芳遊交龍洞詩百
丈坂躋到絕巔芒鞋踏遍蘚痕穿紛拖象馬空心躍閉鎖蛟
龍洞裏眠一竅地中開佛界幾重天外落
香煙高歌爛醉行無力欲乞山僧半榻緣

海螺山在縣西十里 縣志作西南 綿延聳秀下有白鹿泉隋因以

名縣山之陽巖洞深邃相接如門屋曰連珠洞 大清一統志 金世

宗賜額曰靈巖 康熙志 其山盤旋而上如海螺之狀因名 縣志 唐

順徵連珠洞記夢奇矣哉夢境之非幻也余今乃得述而識
之矣憶余辛酉歲童年未遠遊補入弟子庠是夜非寐非醒

到一城市泉水分流石橋聳翠遊人往來如織薰酒狂歌樂
太平春余於斯時也留連徘徊依依乎不能去云乃忽焉隘

口在前峻嶺在望前無援引後乏騎隨攀之躋之俄陟其巔
登高望遠御風徐行但見飛渡者流雲也鬼嶷者峯巒也崎

嶇者徑路也叢攢者松柏也間有響振林木者樵夫牧童也
余於斯時也俗襟頓化逸興遄飛真有目空四海其胸恢恢

者矣然而層巖未下光景忽移山陂之中余身在焉有一老
衲指引洞口是河也首出山陽尾通山陰曲折數里幽渺絕

塵鞠躬而進每入一重珠垂如乳彩散如花余於斯時也意
蘊齊放心蓮頓生真有別具洞天絕非人間者老衲叩余臂

日今日此聚良非偶然再聚其在筮仕之年乎語迄兀然端坐余亦憬然覺悟眞耶幻耶眞耶曉以語人皆言此荒唐不經之想歷歲一紀博第甲戌徧遊長安勝景而夢境宛然受事饒邑有倒馬關之行歷落雲山而夢境宛然至獲鹿偶遊西山山有連珠洞洞有古佛而夢境宛然奇矣哉夢境之非幻也余今乃得述而識之以爲談夢者著一左券焉

國朝董國興遊連珠洞記鹿泉之西有峯峙然而高俯視眾山曰螺峯峯之下巖嵌而空橫曠而平高以尋計如石屋然後有山穴復深以邃勢如連珠此洞之所以得名也已亥夏余奉命巡行恒屬課桑麻之餘偕二三司牧登斯以望林接遠煙雲連綠野目廓神怡悠然而處者與意會淵然而靜者與心謀山川爽氣在我襟袖不覺唱然而歎曰此洞之遊也

可以觀政當夫民之未安莽伏而奸草翳而殖田日以蕪廬日以傾婦飢子啼流離滿目求茲洞之安然而以遊而不可得蓋積弛之後號云穢墟若是者爲荒及其民之樂業莽之伏者去焉草之翳者芟焉母曰田蕪方已薙之母曰廬傾方已成之樵歌牧唱日熙以遊遂覺洞之歡然可樂迨民安物阜豈日無因若是者爲勤嗟乎事以荒廢功以勤致爲政較然而乃於斯洞之遊早卜之矣是以連珠之興廢民生之安危繫焉民生之安危吏治之勤惰關焉吾故曰可以觀政維是洞中佛體剝落爰捐俸以修之以示後之遊斯洞勿徒娛此林煙溪月流雲芳草而忘厥所自也一時二三司牧拱手向余曰古之巡狩諺頌遊豫公其代天而恩遍林谷者乎以斯言遊觀止矣余謝不敏特書於石以共礪守土者云爾

喬宇詩路入巖坳片石蹲突開三洞引重門雲深合有穹窿
頂天巧元無斧鑿痕鹿澗水聲流夜響螺山霞彩映朝曦旋
披蒼蘚題名字勝蹟重來仔細論 顧顯仁詩鹿泉西指萬
山纏春日招攜履幾穿路轉靈巖峯自拱天開寶界洞相連
梵音斷續風旛外燈影虛無石佛前我欲探珠珠未得暫從
此地學逃禪 李仁詩燒燈穿石洞綿邈訝珠連步到難窮
處心疑別有天奇踪看去是爽氣
坐來偏何日餐霞入尋眞度歲年

謹案方輿紀要謂此山在縣西南四十里查康熙志雍正

志府縣志皆云距縣十里方輿紀要疑誤

橫山在縣東南縣志作十二里方輿上有聖母祠雍正

佛光山在縣北二十里北界平山縣南連虎頭山山下有明

覺寺縣志

玉山在縣南三十里其石粹白無雜色康熙

西屏山在縣西南三十里雍正峯巒橫亘宛若列屏每雪霽

望之如冰封玉削廣輿高數百仞爲一郡之勝西去井陘縣

四十五里山跨兩縣間形如卧虎一名虎山東有黑風洞可

容千人

大清一統志

山麓有方嶺寨元末居民避亂於此

方輿紀要

金珠山縣西南三十里山石青色名蘭蓋石温潤如玉可琢

為屏風杯硯器物

府志

五峯山在縣南五十里封龍山北之南寨村五指排空森然

屹立瀑布懸崖浚水出焉

桂連穎浚河記張孝時浚河考

封龍山在縣南五十里山南屬元氏北屬獲鹿縣志石邑有封

龍山

隋書地理志

封龍山在鹿泉縣西南四十五里

括地志

一名飛

龍山

大清一統志

飛龍山在獲鹿縣西南四十五里

元和郡縣志

浚水

東逕飛龍山北

水經注

趙武靈王二十一年攻中山取石邑封

龍

史記

永嘉三年石勒寇常山安北將軍王浚使鮮卑騎救之

大破勒於飛龍山

晉書懷帝紀

每歲有疾風覆雨東南而行其北

卽張耳故墟山上有水周迴四十步俗呼爲龍泉太平寰宇記

勢如伏龍欲飛舉狀山堂肆考餘詳元氏縣

大翻山在縣境雍正舊志隋圖經云鹿泉縣有翻山山昔有二書

生得道化爲二鶴冲天墮二翻於此山故得名太平寰宇記

繫馬石在縣西六里相傳韓信嘗繫馬於此大清一統志一名韓

信寨縣志

老君洞在韓信寨之陽內有老子石像雍正志明許棧詩

霞境日午聞鐘聲山迴絢雲影風微人語墮地僻衣裳冷坐久神自清功名一萍梗趙維勤詩幽洞不可窮恍惚神仙

境星月掩重輝陰騎搖燈影誰辨四時侯但覺炎天冷渺渺元思澄身世忘漂梗

元氏縣

神巖山在縣西南十里明一統志

中牟山在縣西十里南白叟村西縣志

出碑山在縣西十里山石堅潤可作碑碣故名同

萬花山在縣西十五里郭北村西南同相傳昔有道士種桃

山谷經春爛漫故名採訪冊

南壺山在縣西南十五里縣新志

盤龍山盤作鑿在縣西二十三里府志縣新志作三十三里

石溜山在縣西北二十五里巖石環列旁有長溪回繞下注

深壑可引溉田方輿紀要俗名石溜寨山採訪冊

九女出在縣西北三十里府志作五十里山有九峯並列故名縣志

謹案此山距縣里數惟採訪冊與縣志相符方輿紀要雍

正志一統志府志皆作五十里

靈山在縣西北方輿紀要三十里雍正志元氏縣有靈山唐書地理

志與封龍無極並峙大清一統志

粟山在縣西北三十里縣志形如堆粟大清一統志

湖山縣志湖在縣西北三十里上有石洞甚深邃同上

無極山在縣西三十五里以峯巒高聳而名方輿紀要漢置縣取

此上有無極神祠并漢時封號隸書碑刻明一統志

謹案唐書地理志無極縣有無極山今攷此山距今無極

縣一百六十餘里縣以山名或昔時縣距山近因以取名

耳雍正志載入無極縣亦循名而不核實也

黃山在縣西北四十里府志與封龍山隔溪相對方輿紀要山色黃

故名雍正志俗名珍珠山採訪冊上有北嶽行祠明一統志

謹案此與新樂縣之黃山異

長山在縣西北四十里石牆圍砌可容萬人南麓有長山泉

雍正志一名九泉山採訪冊與黃山相連明一統志山陰半坡有龍王

廟廟檐下有石井注水斗餘汲之不竭康熙志旱禱輒應縣志

白羊山在縣西北四十五里連接封龍雍正志昔有童牧羊

見二老奕碁從旁觀之奕畢二老不見驅羊不動盡化為石

至今宛若白羊狀康熙志

謹案太平寰宇記派水流逕白羊山山之下有白石如羊

頭角身足粲然逼真與康熙志合當即此山

九牛山在縣西北黑水河村南上有寨縣新志

封龍山在縣西北五十里方輿紀要元氏有封龍山唐書地理志封龍

河北之名山唐十道志元氏西北有封龍山舊名飛龍山唐改今

名山山堂肆考峯巒泉石迴環錯列其最著者有玉石獅子華蓋龍

首熊耳諸峯峯西有蝦蟇石北有古石堂又名佛洞洞之北

谷有泉名龍王池其水南出螺峯之下又曰白雲洞修真觀

觀前有金榆山科障山左右對峙康熙志山陽有書院乃漢李

躬授業之所唐郭元振宋李昉張僾叟元李治皆於此講學

孔顏曾三石像猶存又有石幢俗呼生雲塔旱潦居民皆禱

於此縣舊志又有仙人嶺羅浮洞縣新志希夷洞祖師洞試劍石

府志明石瑀賦石子抱病登於封龍覽燕趙之墟望滄溟

也巨嶽雄峙長河駿奔崇岡複阜如抱如蹲萬壑濃流匯爲

九澤太行崛起溢出平原川橫下后之樾地藏虞舜之壁入

年於外地平天成五月朔巡諸侯萬國天文別野星當昂畢

之區土壤分州域界幽并之宅川紆嶺迴鬱鬱崔嵬峭壁聳

秀丹峯疑輝晴瀑掛百尋之長練顛崖轉萬谷之驚雷上有

蔽日干霄之古樹下有陵遷谷變之寒灰俗有避秦山多入

晉嶽被重封川經幾濬虎嘯風冽龍行雷迅寒烟色舊李躬

燈火之臺古石光寒季子合縱之印萬里交乎胷中千巖縱

唐虞豈獨事關乎列國其南則漢之鉅鹿鄗中也臺隍尙存
煙屯霧昏想中興之舊業或寄跡乎荒原蕪蕪存豆粥之亭
滹水望冰澌之渡北道主人塵埃物色對竈將軍雲龍際遇
地存京觀李華興弔古之詞士遇明時文達展登瀛之步亦
有闕閼池臺尙存平原古樹閭里高門或三世而居司業或
父子而握絲綸文妙一時張騫號青錢之選才優當代衛公
陳丹扈之箴翺有文章名崇史館絳眞宰相官處詞林其西
則戰國之陘山也山愈巔岷水愈潺湲橫峯似劍列嶂爲關
平臨三晉遙控全燕車不方軌士可當關料敵幾危痛左車
之不遇燒丹火伏訝隋女之登仙雪霽西屏冰封壁合雲銷
抱犢墮珮遺鈿誰登望海之亭直下螺峯之境地出危簪天
開峻井龍蛇虯繆雨自東來麋鹿犇張泉從地湧劉因有志
登福地而高吟敬仲多情撫遺蹤而自省篇成寶劍代國神
遊文慕香山司空興冷悵九原之莫作幸吾生之登聘其北
則古之中山曲陽也陵阜迤邐邇達於代邊隊通窮漠谷帶長
川萬籟號風危城際天士如獵虎人擁戈鋌名寢秦謀共畏
廉頗之勇唱興漢髀人思李牧之賢宜安城復再收趙境武
靈臺古遙下胡弦地存畫卦之臺巖有棄瓢之叟夢得一世
之詩豪李嶠諸儒之領袖安平之崔下曲之魏累代才名靈
壽之曹藁城之董一時勳舊朱輪紫綬門地猶雄取印提戈
聲華未朽問其士習則樂孝友敦詩書不侵然諾砥礪廉隅
氣不可平直欲裂強秦之缶清應有志幾思登孟博之車節
奮於窮壯形於老頸可刃而身不可屈頭可斷而碑不可草
觀其民風則力織作勤畎畝童稚爲婚雞豚取婦族多辨類

等其清濁禮謹送終稱其有無至老猶勤雖貧不困人各守其厚樸俗頗希乎渾沌其尤在可稱者士不嫉才人多服義彭亨狡獪雖貴蒙嗤清介端良在微亦貴野無健訟之民官乏舞文之吏上不煩於刑誅下易爲乎禁制此固先王舊澤雖經變故猶縷縷而未衰然實聖代洪仁漸染百年首股肱之近地者也所可憾者人思遠家無素蓄西成遺秉簫鼓連村春事轉空秀書絡繹平疇多發塚之夫柱楚有勒文之石民不知兵易爲搖動地無守險輕相躡躒蓋自列國之擾五季之亂開元之掠長平之怨谷變干回地經萬戰民無固志殆土崩瓦解遭離亂之孔多俗有俠情其繫劍衝冠習風流之未變者乎嗟乎燕趙之地先王封建井田之地也燕趙之民先王衣裳冠帶之民也燕趙之俗先王禮義忠厚之俗也奈何世治則有世亂則走晉旣東奔宋亦南狩或割地以求成或退兵而蹙守使夫河嶽增悲金湯盲醜衣冠與歎草木蒙垢資壯士於敵國納寇讐於戶牖棄神明之舊域設逋逃之淵藪人不爲怪士不知詬亦獨何哉此固有家國者之遠謀然亦士君子之宜憂不然高門縣簿華冕輕裘致身樞要列位公侯徒因時而補益亦何貴於名流辭曰山有摧兮石有泐疇造化兮本無極亦何爲兮多大息 國朝張聲玠嚴禁開鑿名山石記縣屬西北封龍山鬼魏曉峴岸然於太行行之東兩不相下蓋燕趙雄觀槐渠之龍脈也漢唐名儒結廬講學建我 聖像朝夕奉事泗水東山宛乎若接以此景行草木亦皆可敬明嘉靖以前浮屠教熾 聖像委宿莽有不忍者又轉而署諸浮屠之側邑尹荆公鸞痛之甚乃

更十王殿為

聖像藏室進士魏謙吉賢而記之於是後

之學者皆相與敬謹保護其間如試劍石龍首峯熊耳峯希

夷洞龍池書院仙人洞諸古蹟以為皆我 夫子靈爽之

所憑凜凜惟恐一木一石或毀也嗣乾隆十九年間該住持

私同石匠在山鑿石令王君人雄逐僧人而立石以示禁年

歷久遠碑復無存致令吳四大漢等逞其愚頑肆以斧鑿生

員王青志等連名急訴誠仲尼之徒也嚴吳四大漢等以柳

杖弗恕督既往以懲將來是予之事合行嚴示諭禁仍勒石

以垂久自示之後爾軍民士庶人等加意保護子孫世咸

存敬戒如有開鑿山石之人照例從嚴究辦不可寬貸後之

學者讀書於此護此山亦護此碑 聖室常新名山無恙

守土者之厚願也 元安熙熊耳峯詩窮探不憚遠行登最

高峯頓覺天宇近一洗羣山空奇哉此絕境造化天無功神

襟日以曠寫我浩蕩胸 又龍首峯詩奇峯千仞高突兀倚

天表神龍幾何年俛首效蒼峭我行費攀躋坐倚寒木杪放

懷聊極目已覺塵寰小尚恨世累拘未許謝琴擾會有賞心

人相期拾瑤草 又白雲洞詩峨峨兩峯間崔巍聳雙闕中

有仙人洞恍若同地穴朝開白雲生暮掩白雲滅朝昏有奇

變宛與人世隔 明石瑤熊耳峯詩封龍山勢壯嶺嶺見熊

耳高峙層霄問下聽幾千里威深貔虎避意拔雷電起乃知

天降靈自與凡石異浮嵐出晴丹淑氣迎夜紫彷彿懸耳傍

呵護有神鬼我思漢三老幽谷訪遺屐人去事亦非荒地但
秋水地靈應未散烈士還繼軌遙遙白雲中何人隱高几
喬宇詩踏徧嶺岫力未疲老夫非是大耽奇親看洞口雲生

處直待山腰日轉時九點齊州開遠望三秋恒嶽占幽期龍
峯熊耳高千仞大石題名道總宜樊倫詩太行之陽龍山
首疊疊峯巒衝牛斗試劒巨石尚然存霹靂神鋒出無有
國朝魏克明詩亂峯如削勢凌稜直入青冥第一層雲起
頓思看古洞芝肥豈憚摘新脰樂飢賴有蒲塘水遣
興殊無蓮社僧未審元英遺藥後先予更見幾人曾

謹案諸志皆據山堂肆考之說謂封龍自唐改名今攷史
記趙武靈王二十一年攻中山王軍取石邑封龍又三公
山碑係光和年間立石其額左書曰封龍君右書曰靈山
君又延熹七年碑碣題曰元氏封龍之頌辭曰天作高山
實爲封龍云云是東漢桓靈以前已有封龍稱矣其謂自
唐改名者非也

白石山在縣西北五十里府志山多白石漢光和中封白石神

君明一統志舊有祠又有光和四年碑刻今移開化寺縣志

三公山在縣西七十里縣界六名山之一康熙志六名山卽無

極以下與封龍相接諸山東漢光和中俱賜以封號載在祀

典方輿紀要

謹案晉地道記元氏有三公寨疑卽此

磨盤山在縣西北七十里頂平圓如磨故名明一統志俗呼磨兒

寨方輿紀要

郡山在孤撮嶺東南俗名野立尖又東南有黑石山採訪冊

鹿臺山在縣西南孤撮嶺東南俗呼米糧山有寨縣新志

大嶺山在縣境府志

謹案縣志元氏有頭峽嶺二峽嶺三峽嶺大嶺山疑卽頭

峽嶺也府志云見魏書今攷地形志無此山

馬嶺在縣西北四十五里縣新志

分石嶺在縣西北五十五里黑水河村西嶺爲山脊一脈北

行一脈南行故名嶺上泉水一東流一南流故又名分水嶺

孤撮嶺在縣西六十五里

同上

割髭嶺在縣西北七十里中有路通井陘

方輿紀要

詳井陘縣

湘山嶺在割髭嶺北

採訪冊

箏箔嶺在縣西北七十里

同上

相近又有短嶺

方輿紀要

孟嘗岡在縣西十八里兩岡橫亘中通一綫曰雞鳴道口相

傳卽孟嘗君度關處

府志

謹案孟嘗君雞鳴度關在秦州府志附會於此誤

青龍峽在神巖山西

採訪冊

青草峪在縣西六十里

方輿紀要

茂草叢生民賴以牧故名

採訪冊

一名青峽嶺

縣新志

九仙洞在縣西三十里賈村勢極險峻

府志

貓道坡在縣西北二十五里西陽村有東西二坡羣山環障

路通山西東坡石徑狹長西坡石徑寬漫縣志

靈壽縣

文山在縣西北六十里上有周文王廟府志一作趙惠文王前有龍池

水極清冽明一統志

鳳凰石山在縣西北六十里大清一統志楸山東兩山夾峙道出

其中謂之龍門口峭壁萬仞登陟甚難絕頂有石狀如飛鳳

方輿紀要一名魯柏山東峯若翔鳳西峯若卧象名卧象石石有

竅人可僂而過又名玲瓏巖兩峯對峙飛瀑懸崖下注為潭

山多產柏舊建禪定寺府志寺後有曬穀石絕頂有通惠菴東

峯有太子峪縣舊志明張照復魯柏院記治城迤西多佳

也秀出一支盤結於燕川之社中建禪定寺一座其騰躍揮霍峙於東者曰鳳凰石平夷曠峒屹於西者曰卧象石朝輝

夕映偃於下者曰曬穀石前則平岡長陸若虎豹踞而龍蛇走者兵騎出而旌鼓隨山獨產柏凌霄傲雪鬱翠叢陰至若蒼崖秀壁飛泉奇葩呈巧獻技莫可狀貌者又盡在履舄之下故衲衣錫杖遊雲棲霧者輒訪而至焉乃傳有魯太子者善幻人也歷而覽覽而愛愛而忘其歸占諸山之絕巘湖活水之源頭撫翠柏之深窈構院宇之峩峩俗因呼之曰曾柏院而茲山之名日益重山之僧日益眾山之土日益闢余嘗過西山指而異之每以無緣一登眺為歉間有言其狀者曰此久屬諸王官傳公某矣不在官也余聞之以語傅公曰墨氏之徒吾儒之所辭而闕之者然以達觀君子視之皆宇宙內生物也可使之無所乎况獨樂不若與人龙超曠之度也盍反諸其人願代償若直取若券傳公乃躍然服義執其券而歸之不索直焉而僧人某遂得復業其故茲春三月余遊其地凡山川之流峙草樹之晻曖雲烟之隱見莫不自新於所見而新於所聞心洒洒然有得也於是僧徒十數輩稽首而請曰業已棄之久矣今遭逢我侯幸得歸焉普濟眾生侯泛慈航矣真語勸緣侯種福田矣塵視下界侯開法眼矣敢丐一言以垂永感余笑曰奚有於是哉然謂茲山與余有相遭焉則得矣於是乎為之記萬曆四年春三月之吉

楸山在縣西北七十里

縣志方輿紀要山多楸樹因名

方輿

紀要松陽河發源於此

明一統志

佛護山在縣西北七十五里

雍正志 府縣志里數同康熙志作縣北百里

漫山

雍正志漫作浸

在縣西北八十里

府志

石門山在縣西北八十五里北倚富豪山疊嶂巉峭壁立萬

尋分爲十巖作九石門皆懸崖中斷溪流湍激深寂幽窅睽

隔人世同上

富豪寨山在縣西北九十里北接阜平縣界半嶺有石堂絕

頂有砦場峭壁聳立

方輿紀要

山勢峻拔高出雲表邑人多避難

於此

府志

朱山在縣西北九十里上有寨場

方輿紀要

一名石瞳山

雍正志

謹案太平寰宇記靈壽縣石瞳山小而峻三面削絕一名

五岳山又名五臺山又云五峯在縣西北形類臺觀有袈

裟水出焉五臺峻峙惟南面粗可躋陟按袈裟水卽澗河

爲木刀溝上源卽漢地志所謂石日河也源出平山縣房
山過石瞳山非出於石瞳山也太平寰宇記已自相矛盾
雍正志謂卽朱山一統志載入鳳凰石山下今攷形勢皆
不相合姑識之以備考

王母山在縣西北一百五里卽古房山與平山縣接壤府志詳

平山縣

砂嶺山在縣西北一百一十里產解玉砂砂隱於石石割而
砂始出色墨以碧質堅而潤玉工用之治玉同上

謹案方輿紀要沙嶺在縣西北百三十里當卽此

祁林山在縣西北一百一十里奇峯四列林谿幽麗府志北齊

趙郡王選太行勝概得朱山之陽建祁林寺縣志

謹案縣志所載此山當卽朱山南麓

滴水塘溝山在縣西北一百三十里山形峭拔麓有石洞泉

出其中

方輿紀要

下流為壙水甘而清居民資焉

縣志

謹案康熙舊志溝山在縣西北一百三十里山形峭拔下

有石洞形如獅子水從口出味甘而清近山居民資焉里

數形勢與滴水塘山相合蓋一山也雍正志府志均兩載

誤

銀洞山在縣西北一百三十里

縣志作一百六十里

舊時產礦處

清一

統志

四嶺山在縣西北一百三十里

縣志作一百七十里

四面皆險北接阜

平縣界

大清一統志

大喫水山在縣西北一百五十里

府志作一百二十里

一統志

山北即團

箔口兩山對峙

方輿紀要

舊出礦其北又有小喫水山

大清一統志

六嶺山在縣西一百九十里縣志六嶺相連大清一統志

黑駝山在縣西北九十里府志詳阜平縣

長岡嶺在縣北十五里突起一山盤亘甚遠方輿紀要

聖佛嶺在縣北五十里上有石佛像明一統志

橫山嶺在縣西北八十里高聳干霄雲霧常蒙其上大清一統志

縣境諸山東西連亘者總名前山後山獨此嶺橫枕兩山間

長陸平岡南止慈濱縣舊志

卧龍岡在縣東北二里府志

白馬岡在縣東八里金大定間滹沱河決此

獨孤岡在縣西北五十里俱同上

石佛峪在縣西北八十里山溪北向抵石壁乃折而西流注

於慈河縣志

謹案康熙志雍正志石佛山在縣西北一百一十里又載石佛峪在縣西北一百一十里今攷縣志有峪無山雖里數稍差實一山也府志沿其誤失考

赤岸在縣西二里土色如丹砂

縣志

欒城縣

卧龍岡在縣東南八里盤曲如卧龍今名浪頭邱

大清高一統志

三丈餘

府志

蜿蜒數十里岡西有龍王臺高三丈許

賀應旌游記

平山縣

開花山在縣南八里上有文峯塔

府志

光祿山在縣南十里山勢龍嵒

同上

上有後唐金紫光祿大夫

祠故名

康熙志寓平山

邑令王子絜以纂修邑志相屬披覽舊志見

所載光祿山開花山之勝欣然慕之每思著屐一遊而因循未果節屆重九余與嚴齋龐君攜童子三人登高於此行數

里至山麓仰視峯巒岌嶸高出雲表虧蔽天日謂今日必不能登峯造極盡興而止也所幸土人鑿山爲徑舊跡猶存撥草尋踪盤折而上蓋至舊志所稱光祿大夫祠已在山之大半去平地數百仞矣光祿大夫者不詳其所自始舊志載後唐廢帝微時採樵於此偶至神祠神像若具遯避狀及卽位封爲金紫光祿大夫今祠已傾圯斷壁殘瓴委棄於荒烟蔓草中神之靈安托哉然是地實據一山之勝北望縣治在指顧間雲樹縹緲厯厯如繪據石危坐留連久之不忍去而同來諸子已猿攀直上余躡屩勉從竟亦造其絕頂四圍一望重岡複嶺羅列不可名狀而南面諸峯峻嶒崎嶇尤爲可喜由山脊折而北行遙瞻滹沱二水環繞如帶方田如錦繡鋪萬頃東面小山拱揖點點如碁布又東有名馬鞍山者中間稍凹余遂由此東下而陡峻不容置足幾幾欲墮既下由山根東北行又折而西北見有小水潺湲流出石罅中清可見底曲折而北水石相激跌宕有聲問其名曰硯泉東有尖峯直上名文筆峯前日筆架山山水之間有村名硯波村音之轉又謂煙堡問之士人則曰此地山勢陂陀勢最高每日早晨北望輒有溼煙自東而西日曛則又自西而東故名煙堡

友山在縣東南十里其南小山卽豆山

縣志

豆山在縣東南十餘里

雍正志作八里

又名寶山俗傳寶建德兵敗

馳河北屯兵於此山旁又有磨子山

縣志

小孤山在縣西十五里

同上

雷奎山在縣東二十里

雍正志縣志作三十里

東西兩山對峙府志

獅子山在縣西二十里山有峯如石獅故名

縣志

林山在縣北二十里東西兩峯相峙

大清一統志

亦名林峯府志岡

巒相接有泉石之勝

方輿紀要

上有長老洞縣志作仙人洞

萬壽靜修菴

西峯頂有一石高竦數丈旁有石室曰千佛堂

明一統志

廬山在縣西五十里

大清一統志

上有唐張果老祠

雍正志

一名棊

盤山

縣志

房山在縣西北六十里

府志

嶺上有王母祠

潛確類書引作玉峯祠

俗號

王母山

隋圖經

漢武帝於此山立祠今王母觀是也

元和郡縣志

漢

章帝元和三年幸趙祠房山即謂此也澁水出焉亦謂石曰

水又謂之鹿水

太平寰宇記

蒲吾有鐵山

漢書地理志

即房山也亦曰

西山五代梁貞明中趙王鏐盛飾館宇於西山每往遊輒經

旬月後軍中作亂乃還鎮州

方輿紀要

覺山在縣西六十里連接太行諸峯周圍百餘里高入雲漢

雍正志明劉名詩形勝西稱大覺山晚來雪景幻奇觀誰將玉宇瓊樓境日見蒼松翠柏間萬堞銀城連遠戍四圍瑤

壁護禪關欲將老衲論空色鶴夢香銷定未還

觀瀾山在縣西北六十里滹沱水至此盤折而東

縣志

鐘山在縣西北七十里又名笠山又名筆鋒山皆以形名上

有寨

國朝王濼心鐘山記略平邑西北多崇山峻嶺遙而望之恍如天台赤城龍門積石而惟鐘山為最奇癸丑

立秋前六日因事抵縣西北之洪鎮土人有來謁者僉稱去鎮不遠有鐘山其形如鐘再南而遠觀之其形如笠又曰笠

山由山之東觀之其形如筆又曰筆山余聞而異焉竊謂移步換形地勢原有惟若該土人所言如鐘如笠如筆恐未必

然越日西黃塗村途中忽見山巔有巨鐘高數丈上有懸耳甫睹之以為真鐘也詳審之意以為此必鐘山者又行里許

其形果若笠詢諸居民僉謂俗名草帽山及因他事至山側閱之又非鐘非笠惟孤峯獨秀宛若筆狀余始恍然曰事非

親見其真萬難知其詳而今益信之矣

福山在滹沱河北東黃泥村上有河神廟

佛頭山在縣西胡家莊南山形如立佛

馬頭山在縣西滹沱二水之隈山下有琵琶洞洞右有泉

雞棧山在縣西一百里山峯秀削插入雲表人跡罕到山腰

有徑上倚削壁下臨深淵最爲險絕

俱同上

丹梯山在縣西百餘里馬蹄崖之左右色紫赤層疊如梯其

右又有觀榜山

採訪冊

天桂山在縣西一百二十里峯巒奇峻鳥道羊腸高入雲際

縣志相近有榜山今名板山在板山村南石皆泥金色村北又

有貴人峯與板山對峙

採訪冊

白佛岡

雍正志岡誤作圖

在縣西南里許

府志

赤砂岡在縣西十五里土石皆赤

雍正志

車道嶺在縣西三十里山崖積石不生草木下有深川鳥道

盤曲

大清一統志

封山嶺在縣西九十里

縣志

延袤嶺在縣西一百里

府志

十八盤嶺在縣西一百二十里

大清一統志

謹案此與贊皇縣之十八盤嶺異

黃安嶺在縣西南一百四十里

雍正志

接山西邊牆一名黃安

口

府志

謹案宋書平山縣有黃岡疑卽此名勝志云天相嶺抱兒

石俱在境內未詳其處蓋今昔異名難臆斷也

分水嶺在縣西一百五十里五臺太行之水於此分流故名

雍正志

沙嶺在縣西一百五十里志

神堂嶺在縣西二百里一名神堂關大清一統志

陡嶺在縣西北二百六十里山勢陡峻不可登陟雍正志

謹案縣境疆域西北至山西五臺縣界一百八十里此嶺

疑不在境內

兩家峯在縣西北九十里府志

桃花峯在縣西北一百里雙峯對峙高插雲霄上有桃樹數

百株故名縣志

馬蹄崖在縣西北一百里山勢嵯峨層巒疊翠石上有馬跡

因名崖後有石名倒坐石根細僅數尺頂橫數丈高數十丈

人不能登常有雲氣擁護

黃龍洞在縣西北一百里洞口石皆紫色旁有石柱二其色
純白俗名玉旗柱洞前有池水極深

白龍洞在縣西北一百二十里洞內石備五色洞口有石柱
柱後有龍潭其水澄澈上有乳石時有水從石乳滴下匯為

池旱禱輒應俱同上

禪師洞在縣西一百三十里山勢峻絕上有石洞泉出洶湧

冬夏不竭大清一統志傳有禪師修行洞內故名府志

貓兒石在縣西八十里因山形如貓故名縣志

阜平縣

醒悟山在縣東三里峯勢高峻雍正志

玉芝山在縣東北三里縣舊志作十二里因產芝得名頂平坦建有

龍母廟旁有八角井縣新志下有龍潭禱雨多應府志

大派山在縣西北方輿紀要作縣東五里崎峭阻深為邑後屏縣新志

稍東為小派山以派河所經而名兩山相峙林巒鬱然方輿紀要

萬松山在縣東十八里木多松柏縣新志

大青山在縣東二十八里石皆青色上有藥王廟山東臨板

峪河同上

陳攤縣新志莊山在縣南三十里縣新志作四十里山徑盤折不容

旋馬方輿紀要路通靈壽大清一統志上有古槐陰橫數畝縣新志

馬武寨山在縣南四十里縣新志作五十里巔平行可容千人相傳

漢馬武立寨於此故名縣舊志

石佛山在縣南四十里縣新志作西壁立千丈崖半闕八洞

洞有石佛縣舊志其東為蒼山縣新志

雲蒙山在縣東南四十五里同上峯巒秀拔上有石洞泉從洞

口飛下如簾明一統志故一名水簾洞縣舊志

鹿駢山在縣東五十里縣新志作東北五十三里其形類鹿因名明一統志山

北為王快寨其南即王快鎮大清一統志東接曲陽縣界奇峯險

峭昔人嘗避兵於此縣新志

三箭山在縣西六十里南連長城嶺同上

大茂山在縣東北七十里即恒山之嶺一名神尖石晉與契

丹分界處阜平曲陽唐縣皆緣大茂之麓方輿紀要詳唐縣

無奈寨山在縣西縣志作西北七十里峯巒劔拔絕頂寬平置寨

於此賊不能入故名方輿紀要一名劔峯寨上有地頃餘泉出其

側縣新志

熊耳尖山在縣西南七十里產解玉砂同上

神仙山在縣東北七十里雄跨百里山半有神仙洞相傳昔

有仙奕其中同舊名神仙洞府志

黑駝山在縣西南八十里縣新志山勢高峻府志東通阜平西

接平山南連靈壽北界五臺雄偉萃律當四縣之衝縣志一名

墨黑駝山東南接花塔山縣新志

銀河山在縣西北八十里縣新志作高峻插天府志叢山環抱

中產丹砂明季礦徒嘯聚於此後築城防守縣舊志

北山在縣西北八十里縣志山嶺盤互縣境諸川多發源於此

大清一統志縣新志一名温北山志

龍王岡在縣西三里上建龍王廟東有鷹嘴石派河至此南

流同上

孫子嶺在縣東南二十里縣境諸山皆從恒嶺分支此嶺仰

視大茂拱列如兒孫因名方輿紀要

鞍子嶺在縣西三十里雍正志過嶺山始舒而闊其下泉水縱

橫而流王世貞歷三關記

青竿嶺在鞍子嶺西南有戍口府志詳關隘

小官嶺在縣東南四十里南界行唐縣嶺東北為蝎子嶺新縣志

志

駱駝嶺在縣西北四十八里鐵嶺分支也嶺極峻其半有龍

王廟下臨深溪東南又有小駱駝嶺又東南接橫嶺

五峯嶺在縣東五十里峯半雲騰即雨縣志中有洞深不可測

白蛇嶺在縣南六十里雍正志本白姓所居名白舍嶺高峻多

草木產解玉砂

狗樸嶺在縣西北六十里北接温北山東北連鐵嶺綿延百

餘里俱同上

蟒窟嶺在縣東北七十里昔有蟒故名府志

東山嶺在縣東南七十里東南界行唐縣東北界曲陽縣新縣志

志

鐵嶺在縣北七十五里上有徑通渾源州甚艱險東接神仙

山同上

長城嶺在縣西九十里石磴起伏始皇所築嶺脊有邊城縣志

度關而上十餘里曰長城嶺城之蓋寨五臺所入道也王世貞歷

三關記

摩天嶺在縣西北九十里嶺極崇峻西北接銀河山縣新志

南天門嶺在縣西北一百一十五里卽茨溝營之關門縣志詳

關隘

大灣嶺在南天門嶺南三里懸崖數仞縣舊志長八十餘里東

南至無奈寨縣新志

步高崖在鹿駝山東南東界曲陽縣西南臨大派河同上

金龍洞在縣東北七十里即大茂山口北接倒馬關舊為戍

守要地方輿紀要洞口有龍王殿旱禱多應明一統志洞底水深二尺

長丈餘洞斜穿山頂十餘丈大茂山之水至此伏流八里乃

出縣志

行唐縣

玉女山在縣北三十里縣志雍正志作三十六里行唐有玉女山金史地理

志玉女山在縣北三十六里元和郡縣志山下為玉女塘昔有蒲

氏女年少而寡有寇逼汚氏乃投崖死焉名勝志

岳山在縣北三十一里上有龍祠禱雨多應府志

黑山在縣北三十五里府志作其南五里府志作日伏山南五里誤

方輿
紀要

孤山在縣北四十里

縣志

柏山在縣西北四十里

同上

上有古柏大數十圍樹上鐵環相

傳竇建德緣以繫馬者

潘確類書

毘山在縣西北四十里

府志

箕山之南

大清一統志

峯巒環列人跡

罕經相傳毘盧佛化身之所

郡縣志

上有禪刹

名勝志

箕山在縣西北五十里以峯形若箕而名

方輿紀要

古許由隱此

上有許由墓棄瓢巖洗耳溪巢父答問碑

潘確類書

國朝張振義遊箕山記

略邑西五十里有山形如箕俗名箕山部水經其下俗稱曰

穎水夫既名部矣曷又稱穎殆因箕而穎之也既箕其山穎

其水矣得不取箕穎之人實之乎因是有許由之村許由之

墓許由之祠人與地相昭合矣則又因緣而及其人之儔侶

闡其人之事蹟曰某為洗耳溪某為棄瓢巖某為牛飲山某

為巢父問答處若是乎歷歷其足據也乃塑像以祀之鑄石

以記之登諸圖志以傳之嗟乎天地間神臯奧區所在皆有

彼荒濱絕壑隔限往來之途為遊屨所不至一自探奇者登

遐陟幽物色而品題之遂足出其勝概以顯於世若必箕而後名山必穎而後名水不知伊古而降有幾許由何山水之擅名者偏多也或曰許由唐時人今定州北唐城爲帝堯故封邑距唐城不百里觀讓王一事意許由居處與堯稍近堯故習聞而心異之其信然歟蓋未可知也在史記太史公曰予登箕山其上有許由塚則此爲司馬氏經遊之地志何不採入流寓歟又按皇甫謐高士傳謂許由字仲武陽城槐里人歿葬箕山巔在陽城十餘里元宴先生之博綜著述其考據必確而謂以冀方人物屬諸陽城必不然矣旣山海經亦云穎水出少室是則茲山也緣形而名箕茲水也附山而稱穎若許由之曩事又因山水而綴就之非實蹟也明甚夫磅礴鬱積蓄秀流芳天作地藏之以遺於人則亦居然穎也居然箕也顧何用借許由爲山水增勝而與陽城槐里角名天壤哉宋董蒙亨詩寂寂箕山春復秋更無人到此溪頭棄瓢巖畔中宵月千古空闕屬許由

謹案許由所隱箕山當在山西平陸縣此山碑墓皆後人附會非古蹟也

牛飲山在箕山西府志南行唐有牛飲山漢書地理志牛飲山在邑

界太平寰宇記巢父飲牛處縣志

謹案縣志云山為巢父飲牛處亦附會之詞

團山在縣北五十里府縣志作西北六十五里以山形團聳而名方輿紀要

西山在縣西七十里同上

謹案縣境疆域西至靈壽縣界三十里此山當不在境內

雙嶺山在縣西北八十里山有雙嶺明一統志

龜山在縣西北八十餘里府志雙嶺之西雍正志

龍岡在縣北四十里府志

楊川嶺在縣西北百二十里方輿紀要作北八十里郃河源出此大清一

統志

紅蛇嶺在縣西北八十里上有真武廟縣志

仙人巖晉太康地記云故行唐縣西北有仙人巖太平寰宇記

謹案縣境即故行唐地此巖府縣各志不載姑存之以俟

考

白陸峪在行唐府志滋水所出東至新市入滹池漢書地理志

謹案新市即今新樂縣地元和郡縣志太平寰宇記以及

元史河渠等書皆無滹沱河道惟山海經有南流注滹池

一語蓋自漢以後形勢已殊歟白陸峪今亦無攷

贊皇縣

石臼山在縣東南五里府志作十五里舊縣學在焉縣志

五馬山在縣東十里府志上有五石馬因名巖隙出泉甚甘美

名白馬泉後魏孝昌末趙郡豪李顯甫聚諸李數千家於殷

州西山即五馬諸山方輿紀要宋建炎初和州防禦使馬擴奔五

馬山聚兵得徽宗子信王榛奉以總制諸寨廣輿記兩河忠義

聞風響應今上有五馬山神廟明一統志元不忽木白馬泉詩相彼山泉源本清太平

君子濯塵纓泠泠似與遠人說說盡今來古往情 國朝丁
百川詩聯袂還從郭外遊芳郊晴暖集鳴鳩新花雨後紅生
徑嫩麥春深綠滿疇五馬有靈留勝蹟雙泉無恙誦清流碑
橫古道休惆悵零落遺文尙可求 陳鍾祥詩五馬化龍去
龍潭深有源一山臨曠野千里俯平原寺古瞻
遺像碑殘拭斷痕我來祝靈雨禾黍滿烟村

壇山 方輿紀要明一 在縣東北十五里 府志 高百餘丈 方輿周
統志壇作檀

穆王駐軍於此 名勝志 崖壁上有吉日癸巳四字 名勝志引作
志 吉日維戊誤

云是穆王書今移學中 大清一統志 上有避暑臺 雍正志 國朝
鄭大進詩周穆

猶然事守文盤遊史册未多聞祭公諫諍資殷鑒左氏浮誇
孰解紛地僻六龍曾駐輦碑殘四字尙銘勲祇今一房子遺封
在稽古情長逐斷雲 成永健詩卓午濃蒸撥不清南風入
夜露初生馬蹄襯月林間影犬吠入雲花外聲雪疊葛衫猶
覺累羅裁官扇未爲輕壇峯峩
點難消夏穆駿虛留駐蹕名

粟堆山在縣東南十五里 明一統志 以山形如委粟而名 方輿
紀要

馬槽山在縣西北三陣村北五里山北二里又有黑石山頂

有舊寨遺址 縣新志

四望山在縣西北二十里山峯高聳縣志登臨可以望遠明一統志

可闌山在縣西南二十五里元氏探訪册一名可郎寨山勢陡險

西面壁立頂寬平有房舍遺趾周圍石牆約二里南北設兩

門門外有井甚甘俗傳為米湯井鄉人避難於此山西又有

駱駝石高聳如駝縣新志

天臺山在縣南三十里山勢擎天如柱亦名石柱山絕頂出

二泉一清冷如嗽玉一濃白如飯漿府志亦曰飯井縣志山陰石

壁上有飛仙洞險峻難至洞內有石榻石枕傳有羽客修煉

於此縣新志國朝黃崗竹復遊石柱山記略贊皇以山得

思得而飲之而山峙縣南遠三十里乙丑夏嘗扶筇一至旋

以趨公歸遊未及竟於今五年矣時維九月署內無事乃獲

續前遊二十里到山之麓有庵可少憩仍置騎行半里許數

折而東越陌厯澗約行六七里水複山窮幾疑無路然俄而
西轉得小橋橫流度未數武而游潺水聲中聞有犬吠樹林
陰翳寺忽出其巔望之而上旋已到門而彷彿昔年所見已

為僧明心修治一新靜坐良久問所謂嗽玉飯漿兩泉味而
領畧之時將窮其山之高而擎天一柱手可探而足不能到
遊於是乎止然於時自顧已若置身在天之半焉而俯視環
縣諸山或斷或連如起如伏其各村落星羅碁置於其間者
迷覺悉歸指顧惜山去縣頗遠可以遊而不能常惟喜明心
之能聿新此寺可以繼昔仁常開創蓋此山埋沒於蛇虎狸

鼠業幾千
百年矣

贊皇山在縣西南五十里

縣新志 縣舊志作二十里誤

高百餘丈

方輿紀要房

子有贊皇山

後漢書 郡國志

穆天子傳曰至房子登贊皇山

元和郡縣志

上有穆王廟及碑每遇災旱公私祈禱焉

輿地志

石濟水所出

漢書地理志

此自別是一濟即詩云出宿于沛非四瀆也

太平寰宇記

又有孔子嶺

潛確類書

嶺有石室寬博其下有石相拒狀若楹柱

時人謂之三梁九柱之室室內石人像類執卷故號孔子嶺

隋圖經

贊皇縣有孔子嶺

隋書地理志

即贊皇山之嶺也

雍正志

牛角山在縣西北五十里之白城口北五里許與山西接界

山形如牛角故名

縣新志

鋪粟樓山在縣西六十里王家坪北溝

同上

太行山在縣西八十里層巒疊翠縣境諸山皆其支隴

大清一

統志

謹案元和郡縣志太行首起河內北至幽州凡有八陁縣西之山蓋後人以山連太行而名不得以此概太行也

堂北山在縣西南長陰溝裏去了絲坡五里許山頂有廟廟前有百花樹廟後有巨石石有深谷不可測俗名呂祖洞

縣新志

枳固套山在縣西一百二十里一名紙糊套

縣舊志

三面皆陡

壁千仞惟東南一徑可通鳥道崎嶇異常險窄上有槐泉寺寺右槐源出焉此山界連山右壤接臨城有小徑遠通內邱

諸處

縣新志

寺兩旁有二石人峯峙於天表

喬宇遊槐泉寺記
國朝安作哲詩

崎嶇復崎嶇入山恐不深尋源得槐水滔滔無古今湍激亦何清坐久滌塵襟俛憑干丈澗仰觀松柏陰枝頭一鳥鳴萬籟碧沈沈煙開巖樹霽鐘鳴梵宇尋詩禪誰得解白雲知我心

卧龍岡在縣東北六里龍門村北平地突起東西約三四里

狀若卧龍故名

縣新志

百陵岡在縣東十里

縣志

卽趙郡李氏之別業於此岡下也岡

上有李氏塋冢甚多

元和郡縣志

鐵腳嶺在縣東南十二里

府志

高險崎嶇艱於登陟因名

方輿紀要

元至正中縣尹武紀稍鑿平之以便行者

大清一統志

明嘉靖時

邑人高允重修此嶺路通高邑

縣志

太平嶺在縣西十五里康熙三十七年巡撫于成龍招撫山

寇故名

府志

王家嶺在縣西北去白城口五里頂上與山西分界嶺下有

路通南北呂狼溝縣新志

十八盤嶺在縣西六十里路通山西樂平縣縣志山勢嵯峨林

木鬱茂中有小徑縈紆上下十有八盤方輿紀要

黃沙嶺在縣西北七十里明一統志有黃沙嶺口路通山西

槐水之源出此方輿紀要即太平寰宇記所謂黃石山也大清一統志

槐水出黃石山水經注山連邑界贊皇縣別阜太平寰宇記

大寨巖府志大在縣西南十八里雍正志

谷家巖在縣西北九十里方輿紀要上谷家巖在牛角山北上有

廟廟左有泉又有下谷家巖相距五里縣新志

老道巖在縣西南虎寨口西五里

障石巖在縣西南一百一十里明一統志其峯峻拔府志上有石乳

泉雍正志引入僧舍又名仙巖一名丈石巖縣志奇巒峭壁高插

雲表劉應賓障石巖封疆記

九女峯在縣西南七十里相傳有九女修煉於此雍正志明郭從道

詩麻姑仙子御風遊夜夜吹簫月滿樓
一曲鳳凰人不見數峯青落碧雲頭

謹案府志謂九女峯卽元氏九女山按元氏在贊皇東北

九女峯在贊皇西南七十里安能與元氏西北之九女爲

一山乎府志謬甚

倒馬峯在縣屬陳家莊西北六里峯旁有谷如門峯南四里

又有朱家寨上有石室縣新志

和尚峯在縣屬寺峪溝南同上

四相公寨在縣西五十里相傳唐天寶中有四相公避亂於

此縣西北五十里又有雙門寨縣舊志

石人寨在縣西六十里縣志一名仙人峯上下平曠有石人十

一狀如鑊刻縣新志

晉州

鼓城山在州西五里下有鼓城坡以鼓子所居而名大清一統志

隋因以名縣方輿紀要

無極縣

黃龍岡在縣北二里一統志作縣東二百步府志作二十里高丈餘廣二百步

袤五十步縣志土甚黃盤繞如龍大清一統志

藁城縣

土山在縣西南十五里縣志一統志作二十五里本春秋宜安故城岡

阜崛起因名名勝志

新樂縣

童山在縣西北二十餘里接曲陽界一名見龍山大清志

高數仞綿亘數里下有小溪縈帶流入沙河雍正志新樂縣黃

山有細粟白石可為器物隋圖經後譌為童山名勝志或以山上

樹稀故曰童山林華皖新樂河渠記

茅山在縣西北高二丈許拳石錯雜天晴時有光氣雍正志

金馬山在縣北本名馬家岡為一邑主山府志

白沙阜在縣東十里許南北橫亘二三里縣志

卧龍岡在縣西南三十五里府志

正定府川

正定縣

滹沱河在縣南八里大清一統志案元史河渠志在縣南一里舊縣志在縣南三里與今河道

異自靈壽縣流入縣西北界東南流逕城南又東逕北中奉

村入藁城縣界

畿輔輿圖

天寶末李光弼入常山史思明自饒

陽趨救光弼與賊夾滹沱而陣敗卻之

方輿紀要 唐廬照 郝詩津谷朝行遠水

川夕望曠霞明深淺浪風卷去來雲澄波泛月影激浪聚沙
文誰忍仙舟上攜手獨思君 胡曾詩光武經營業末興王

郎兵革暫憑陵須知後漢功臣力不及滹沱一片冰 李益
臨滹沱見蕃使列名詩漢南春色到滹沱邊柳青青塞馬多

萬里江山今不開漢家頻許到支和 宋文天祥詩過了長
江與大河橫流數仞絕滹沱蕭王舊事今何在回首中天感

慨多 元劉因詩二首進臨滹沱岸回望土門關秋色嶮巖
上川形拱抱間分疆人自隘設險地誰慳欲問前朝渡江鷗

故意閒 河水正流漸無舟可濟時詭言水已合隨使渡無
危自是繇天助真非假力為昭昭明史冊千載慰人思 王

揮滹沱流漸行王郎何人著柘黃欲與赤伏爭翺翔漢炎中
斷天復熾肘後頭石胡為光蕭王揮戈指幽薊戰血滿野風

塵蒼募兵反得市人噓當時南馳亦倉皇鳶鞬城東滹水長
北風烈烈天雨霜前驅後騎兩失色河雖流漸無可航兔肩

麥飯未下咽大水橫合堅於梁古稱王者阨不死淮陵一言
殆天使赤龍已渡凌四開白魚躍舟未踰此壇亭王氣如水

清妖孽邯鄲死灰耳彼蒼有意開真主固令若輩先驅處君
看隴蜀最健者一旦等蛙終漢虜王郎區區安足數蒼茫此

日龍華渡漠漠野烟生綠樹留在長河閱世人萬古朝宗浩
東鷺 明王英詩長河二月半雪霽斷冰開但覺波濤至猶

疑風雨來飄搖野艇渡蕩漾白鷗回望極平沙際春光滿綠苔
石玠詩千年形勝此滹沱道路驅馳自昔多短岸幾人

看日暮中流有客動漁歌水堅尚憶蕭王渡坂古會聞太守
過此日太平無夜警村村漁火映閭簷金幼孜詩前驅聞

警蹕傳聞近滹沱凍合含初日風微動碧波人從仙掌出路
自畫橋過北望幽燕外青山疊疊多何景明詩長隄枕春

郭斷岸入殘暉宿鳥張燈起驚鳧解纜飛古人堪墮淚吾道
豈常非未識臨河意中流擊柝歸尹耕修滹沱河有感詩

高築長隄深滹河黃埃赤日奈如何休將汗滴滹沱水滴入
滹沱水更多李攀龍詩滹沱來不極曉色蕩孤城擊楫中

流過舉帷下吏情天銜紆岸轉日上大波行獨在知津後風
塵愧濯纓國朝陳廷敬詩晨興越大河霜氣壓清波秋日

石梁外人家漁浦多遠鷗浮水去高葉趁風過來往恆山道
征車奈晚何梁清標詩沙路垂鞭客興殷故園鳥語隔隄

聞人歸趙苑顏初定馬渡滹沱樹乍分親舊下車詢過嶺書
生短後學從軍盈盈一水渾如此北望晴開大茂雲沈荃

詩滹沱秋水莽滔滔落日輕裝上小舸東下津門千里闊西
來嶽色亂峯高蕪葦古渡迷寒鴈麥飯荒亭空野蒿誰向中

流歌擊楫西風客思正蕭騷彭三益詩荻叢葦路莽難分
崩岸驚濤客駭聞浪裏千帆惟看影灘邊一鴈自呼羣黃塵

古渡迷沙渚白日橫空入暮雲借
問蕪葦何處是不堪荒戍閉斜曛

清水河在縣西北發源紙房頭村東北又東北經北高基村

北又東入滹沱河

縣志

謹案輿圖清水河自柏棠閘分支東南逕大孫等村於斜

角頭隄外入滹沱今淤

滋河在縣北三十里

方輿紀要

由行唐縣常香村入縣境東南流

逕東宿村入新樂縣又東復入縣境又東逕正民莊仍入新

樂又東復入縣境南化村又東至東咬村入藁城縣舊經縣

境三十里水皆伏流至府東北南孟社村復出嘉慶六年水

由西宿村改流入新樂縣木刀溝故道俱成河灘

畿輔輿圖參縣志

唐景福二年李克用伐常山王鎔敗之於滋水即此

府志

謹案漢書地理志謂滋水東入滹沱今水折而東北流合

沙水不入滹沱

冶河在府西

府志

雍正四年引河由獲鹿縣經縣南至欒城入

浚河後由獲鹿入縣境東北流逕蕭家營又東北逕古城又

東逕南北高家營入滹沱今古道俱塞而枯渠斷港尙存畿

輔輿圖參縣志 國朝梁清寬詩治河蘆岸打魚船醉
酒烹鮮煮野泉莫道山翁無樂事鳥聲巧轉蓼花天

西韓河在縣西二十五里府志 方輿紀源出西漢村東南要作二十里

由東曲陽至雕橋與大小鳴泉周泉匯爲一流出雕橋又分

爲二一從雕橋村東王古寺前一由村南經戰村大孫村流

至野頭村復合爲一下游爲柏棠河同上 國朝梁清寬詩
綠波遙望接恒峯曲折

東來走蜃龍形勝千年蟠
地極泉聲細瀉間疎鐘

柏棠河在縣西北卽韓河之下游舊有村曰柏棠因以名河

府志同治十二年知縣慶之金復濬縣志

周河本名周泉在縣西二十里源出周家莊西北由南曲陽

至雕橋與韓河會相傳元至正間有農夫見豕掘地成河灌

稻甚廣明萬厯間漸淤知縣周應中疏通之民懷其惠因名

周河府志

謹案一統志涼樓坡泉在縣東北三里東南流為周河與

府志異

護城河即柏棠河之下流乾隆十年引韓河諸水由柏棠開

至城西門入城濠又繞南門至城東南隅均注閘為東大道

河同治十二年總兵譚勝達復濬縣新志

東大道河在縣東護城河水由均注閘分流東入藁城縣只

照河南流入滹沱縣志

旺泉河源出縣東北涼樓坡縣新志舊有泉甚旺因淤復挑遂

名為河府志明萬厯初知縣周應中濬天啟六年知縣李挺復

濬縣舊志

國朝乾隆十年挑濬由藁城固營村會東大道河

案與圖迳朱福屯東合東

大道

入只照河今舊泉已塞沿河小泉甚多

縣新志

林濟河在縣屬大小林濟村乾隆十年濬與東大道河分洩

護城河水入滹沱今淤

閻家溝在縣東北由上寨西洋等村入旺泉河

王莽溝在縣東南三十里下流接藁城即古之蒲吾渠

蓮花池在城內西南隅葭葦發生泉出其中淵停不竭

柳泉在城內東北隅大可半畝南流入隆興寺後與西北角

樓泉合

西北角樓泉在城內角樓下泉有數穴東南流經隆興寺後

由東水門入護城河角樓西又有東南角樓泉土人引以灌

稻俱同上

恒陽第一泉在縣西門外迤南護城河中舊名甘泉甘冽異

他水

大清一統志

明萬厯初知縣周應中建閘於城東南隅名響

開水

縣志

閘外溉田數十頃

雍正志

明李樞恒陽第一泉歌鳴泉十里噴寒玉奔流瀉瀑

含芒宿東門之水清且漪溉田千頃甦阻饑更喜茲泉最晚出潺湲靈液飛天墜交塵古道層城側萬井參差分帝力味甘若醴芬若蘭觸邪蕩疴好容色不用陸羽閒評隲我故名之為第一漱波濺沫如鳴球涼風激和聲颼颼幕亭石砌汲丹纒坐令五月如清秋我聞老氏上善惟若水仲尼有本是取耳大美利物渾不言功與天地相終始其清測底性安下壁如賢士處卑者涓涓習坎不羸進皓月冰壺自領瀉潤能萬里成江河不受濁引涔涔波伯牙撫茲足寫意鐘期未遇將如何試問道途徵逐子衝途來往旁睨視請君下馬飲此泉塵埃垢膩勤疏理

大鳴泉在縣西北三十里

方輿紀要

作二十里少東有小鳴泉

大清一統志

又有韓家曹馬口等泉凡四十餘穴

方輿紀要

後壅塞明洪武時

知府郭勉濬淤泥泉流悉復其舊灌溉土田延袤數十里

大鳴

泉廟

記

白雀泉在斜角頭村南灌田數十頃昔傳泉在白雀寺中故

名縣舊志

甘露井在三里屯又有八角井在城內隆興寺後龍井在龍

王堂前禱雨有應縣新志

井陘縣

綿蔓河在縣城南門外雍正志卽漢志綿蔓水發源山西平定

州綿山由娘子關北入縣界東流繞縣治南又東至橫日合

甘洵河又東北至平山縣合河口入滹沱河府縣志一名阜漿

水又曰回星水史記正義合甘洵河後始名冶河大清志逕微水

村一名微水微水鎮太平石橋記韓信擊趙使萬人先行背水爲陣信

日陷之死地而後生謂此水也元和郡縣志

謹案方輿紀要謂此水卽甘洵河之分流今攷甘洵河出

平定州松子嶺至井陘縣橫口始與綿蔓水合方輿紀要
誤

甘洵河在縣東南十五里方輿紀要發源山西平定州松子嶺北

自楊莊口入縣境又北至橫口村合綿蔓河縣志

七里澗在縣東北縣北諸山谿之水皆匯流於此南入綿蔓

河霖潦暴作行路皆絕方輿紀要

鵝毛泉在縣東三十里微水村南縣志

馬跑泉在縣東五十里頭泉村西南相傳漢光武至此渴甚

馬跑地出泉故名雍正志

溫泉在縣北五十里威州村上有溫泉寺縣志

福水泉在縣東五十五里下安村福泉寺前

金珠泉在縣東南六十里源出金珠嶺北流逕良都夏雨泛

漲與鵝毛泉同抵微水村入綿蔓河

馬頭泉在縣北六十里樂陽村馬頭將軍山下俱同上

獲鹿縣

浚河在縣南一名孝河府志源出縣南五十里之五峯山下流

二十餘里至南甘子始入平地又經寺家莊營裏至平同村

有金河合普蓮河自北輿圖作東南來會之兩水相交故曰浚河

又六里至彭家莊入欒城縣界張孝時浚河考兼採桂連穎浚河記一名童水

畿輔

輿圖

謹案雍正志一統志皆云浚河之源有四一出蓮花營一

出絳北村又二泉出欒城寶姬村之石牛港今攷欒城縣

志及張孝時桂連穎浚河記出蓮花營者為普蓮河非浚

水絳北村寶姬村之泉均湮沒不可考浚河亦不由寶姬

村入欒邑舊志多誤今考輿圖源出縣西南井陘山東東
流逕良政村金河東南流入之又東逕高遷村北沙河東
流入之又東逕牛家莊入欒城縣與張桂浚河記亦異

金河源出縣西南金柱嶺山半有泉湧出名老龍池流五里
至嶺底村又十五里至北同葉又二十餘里至平同村會普

蓮河入浚河

桂連穎
浚河記

謹案輿圖此河東流至良政村入浚河普蓮河在浚河北
金河在浚河南金河不能會普蓮河桂記疑誤雍正志謂
源出井陘縣一統志謂源出封龍山亦誤

普良河源出縣東蓮花營之耿家莊泉自二土穴流出其源
甚微東流至良政村與金河合

張孝時浚河考
桂連穎浚河記

一名普蓮河

縣志

沙河在縣南自上寨村西山澗入境歷三十五里至寺家莊

與金河合流入浹河

府志

一名北沙河

畿輔輿圖

太平河在縣東南卽鹿泉下流

縣志

台河故道在縣北趙陵舖古城等村舊自平山縣東南流至

此下流由正定南入欒城合浹河今廢

探訪冊

大唐渠在縣東北十里

雍正志

獲鹿縣有大唐渠自平山至石

邑引太白渠灌田有禮教渠總章二年自石邑西北引太白

渠東流入正定界以灌田天寶二年又自石邑引大唐渠東

南流四十三里入太白渠

唐書地理志

今廢

方輿紀要

鹿泉在縣西十里

縣志

井陘山水世謂之鹿泉水又東注綿蔓

水

元和郡縣志

鹿泉水一名陘水

水經注

隋置鹿泉縣取此

府舊志

其

水東流繞城南而東爲太平河土門一帶賴以灌溉相傳韓

信伐趙下井陘口師患無水見白鹿跑地有泉湧出師遂濟

縣志

平泉在縣南二十里石岸中距地三尺許清泉迸出同上

鹿井在縣西南雍正志井陘口南山下太平寰宇記

元氏縣

槐河在縣南五里縣志自贊皇縣東高村流入縣境又東北流

至紙屯村東南泚水入焉又東南行至大陳莊窠裏村南入

高邑縣界俗名南沙河縣新志

謹案一統志槐水亦名泚水即古沮水攷雍正志泚水在

元氏者為北泚至縣境紙屯村入槐水泚與槐非一水或

合流之後槐水亦以泚水稱耳

泚水河在縣南五里方輿紀要水有二源一自九女山西南來流

六里至武莊村西一白岳莊西北無極山東南亦流至武莊

村西南與魏河合流又東經贊皇之徐樂等村又東南逕縣

界至萬花山東北有北來之雞鳴口河入焉又東南至紙屯

村入槐河

縣新志

一名北泚水

畿輔輿圖

魏河在縣西南三十二里由贊皇葛溝村南出而東流至縣

屬武莊村南入泚水

縣新志

謹案雍正志魏河在元氏縣西南六里源出贊皇縣黃沙

嶺東北流入縣界與泚水合今攷元氏縣西南六里惟泚

水河別無河道其云東北流入縣界與泚水合即自贊皇

葛溝而來之槐水至元氏界即入泚水雍正志失攷

雞鳴口河在縣西發源於神巖山西南青龍峽東南流逕野

鹿頭村西南又南流二里入泚水

縣新志

猪龍河在縣北八里雍正志西山諸水所匯歷沙灘等村流入

十里至東賈村輿圖作西賈村達趙州境入洩河府志一名沙河大清一

統志

黑水河在縣西北五十里源自分石嶺東流三里至黑水河

村東南流至王村入猪龍河縣新志

金水河源出縣西北石溜寨山流二十里至北程村南折而

東南流至牛家莊東流十里折而北流至董堡村西北有西

來之泥溝水入焉又東北入欒城縣界合洩河舊名金河一

名泥河一名辛溪同明萬厯間河流堙塞知縣蘇繼歐修濬

改名金水河乾隆二十三年重濬縣志道光十九年復濬冊說明

智遂重修金水河記略元邑東北有渠曰金水河去城二十

里發源於封龍經趙村董堡村數鄉東入欒邑之洩河漕止
一衣帶易開亦易塞開則水有會歸田無湮沒百姓受其利
不淺塞則散漫橫溢秋田滂迤汪洋千頃百姓受其害亦不

淺先是直指成公常濬導之久官古公踵其事輿誦迄今不絕嗣是甯宇周公議開水旋調正定不果厥後壅淤久而水之渙散如故一經濬集四望無涯埃東北四十里之田產渾成巨浸甚至往來車馬無行聲矣許昌蘇公甲寅冬受槐陽令下車初亟問民間疾苦時循行郊野得前渠利害狀覈諸士民宜舉也公仍借二三僚屬細閱計丈數揣廣狹日高下某氏之地令某氏自鑿其有便於泉流更便於種植者不妨習其故而深之其有便於水道或不便於耕耨者不難泐其渠而婉轉通之萬一有不能通者償以價於是民忘其勞功成不日

謹案此水與獲鹿之金河源委俱別雍正志一統志皆云

自獲鹿流入元氏是混二水為一也非是與圖謂此水自

縣西北趙村起亦誤

北沙河在縣西北三十里府志源出割髭嶺下流至嶺底村又

東流三里普濟寺泉水自北來會之石板溝水自南來會之

又東流六里許又有二柴溝水欒城志作南北澗溝自北來會之又東

南流四十餘里至史莊北入欒城縣界合涑河欒城縣志參探訪册

謹案輿圖謂此水爲南沙河槐河在縣境俗名南沙河故
今人以此水爲北沙河而與獲鹿之北沙河迥別

泥溝在縣西院家村西平地泉湧水清而淺溝長十餘丈東

流至董堡石橋入金水河

縣新志

澗子溝源發於張掖村東流與涑河合

府志

今溝漸淤塞水散

漫於樂之牛家莊左右雨潦時始合涑水

縣新志

老王溝在封龍山熊耳峯西又榮花溝亦在封龍山上

縣舊志

黑山溝在縣西北五十三里

同上

南北紫溝在縣西北六十里

縣新志

龍泉在龍山陡澗中又蒙泉在龍山書院

長山泉在長山南麓龍王廟前

溫泉在縣西南八里紙屯村前

滿井泉在牛家莊村西北水清味甘明洪武時按察司僉事

牛廷訓贅石為井下流可以灌田俱同上

天井在封龍山西谷俗名龍池其水南出螺蜂之下縣舊志

石井在神巖山寺中二井相去咫尺一甘一苦又井下村亦

有石井深不可測同上

八角井在南因村禱雨輒應縣新志

靈壽縣

滹沱河在縣西五里大清一統志自平山縣流入縣境王覺村南

至牛城村折而東南流入正定縣界縣志

衛河即禹貢衛水在縣東北十里俗呼雷溝河方輿紀要源出縣

北良同村泉廣一畝其深莫測南入滹沱河相傳明成宏間

良同村富室一草數萬束裹土輦石塞之今泉雖尚存其源

甚微

縣志 國朝陸隴其碑記略靈壽縣治東北十五里有良同村衛水發源於其北即禹貢恆衛既從之衛也由

耳而見於水經見於漢書見於禹貢其名赫然蓋此水在唐虞時或苦汎濫不似今之安瀾且按今松陽於泥慈汙諸河皆逼近於衛安知當時不同匯於此源遠而流長非僅如今之限於四十里也桑田滄海變易無常安能據目前所見而遙斷數千年以前之形勢哉採舊聞述殘編想見古聖人憂民之心則可矣 李基和詩觀瀾有術當探穴掘地尋源欲問津口授村農重記憶手翻經史再咨詢桑田已失虞書舊星海驚傳漢使新萬世聖人憂在水誰將饑溺繪吾民

滋河在縣北五十里慈峪鎮北同上自山西五臺縣界東南流

經縣境輿圖謂自縣西北百七十里之白草口入境又東入行唐縣南界大清一統志

其來源甚多大者有五一自五臺南山之南流出曲行百餘

里至叉頭村與白蛇嶺之水合流至五河村東一自白蛇嶺

流出斜行五十里至靈壽縣北又頭村南流一自靈壽縣北

山五嶽寨發源行九十里至五河村北一自王母山北峪發

出行八十里至五河村北一自王母山東峪發出行七十里至五河村與東河會五水合流故名村曰五河至滋峪之東南又有西山之小河入焉因名爲滋水

行唐縣舊志

謹案縣志五臺寨一流至漫撒村即與墨黑駝之流合非至五河村始會其出自王母山者合流亦在五河村上

嵩陽河在縣西南五里一名松陽河

大清一統志

發源縣西北柳

家莊萬裏村諸處流經縣治西南兩關外東南入滹沱

縣志

謹案雍正志一統志府志皆謂此河源出楸山今按縣志

楸山之水其東者入慈河其西者合平山之南店河入滹

沱皆與松陽河遠隔蓋萬裏村諸處近楸山故諸志統謂

發源楸山也輿圖云此河有二源一出縣西北許家莊一

出柳家莊二源至凡固村合流又東南至東合村合淤泥

河又東南至木佛村入滹沱又與縣志微異

淤泥河在縣東關外縣志亦曰溫泉水隆冬不凍方輿紀要南流入

松陽河居人資以灌溉雍正志

汧河在縣西北七十里源出阜平縣白蛇嶺至汧頭鎮與滋

水合縣志

聖水源出縣西北二十五里白石村之聖水峪亦名聖水窪

下流入滹沱大清一統志

大鳴川在縣西北九十里亦曰大明川同源出橫山嶺西團

泊口東俗呼錦繡大鳴川方輿紀要此地兩山夾峙多產花木故

得此名即滋水之上流也縣志

蓮池在縣西南之王覺村山水衝開一池其蓮特盛名勝志

養魚池在縣西北十五里雍正志趙王城內武靈王故蹟也名勝

志

欒城縣

洩河在縣西十二里方輿紀要自獲鹿縣流入縣界彭家莊又二

十里至梅家村沙河自西來入之又八里至郭家莊金水河

自西來入之又十二里入趙州界縣志

沙河自元氏縣流至趙莊入縣界又八里至梅家莊入洩河

同上一名南沙河畿輔輿圖

金水河自元氏縣流至西辛莊入縣界又十二里至郭家莊

入洩河縣志

洩河故道在縣城西北隅舊自平山東南流經此後改流東

北仍合滹沱方輿紀要雍正四年又自平山引洩河東逕獲鹿縣

輿圖云自獲鹿趙陂口入縣境正定縣南入欒城達於洩水大清志今復由

平山縣西合河口入滹沱入洸故道湮塞縣志

城郎河在縣東十二里城郎堡即太白渠下流府志白渠水東

南逕關縣故城北又東為城郎河水經注今廢縣志

九龍溝在城西十里洸河夾岸九溝也舊名九龍口同上

龍潭灣在城南五里昔時洸河支流大清一統志上有五龍廟縣志

石牛港在縣西寶姬村有二泉流入洸河雍正志今湮縣志

平山縣

滹沱河在縣北八里同源出山西繁峙縣太戲山由平定州

孟縣流入縣境輿圖云自五臺縣高峯口入縣境又東逕靈壽縣南大清一統志

洸河在縣西一里方輿紀要作縣東十里自井陘縣流至城西北入滹

沱河為兩河口縣志

洸河故道在縣南二里兩岸有前代挑河廢土高一二丈土

堅壁立形如道溝

河道

元至正二十年引闢治河自作一流

至大元年治河口塞復入滹沱

元史河渠志

皇慶初又議自平山

改闢河道使治水仍入舊河復於治河東岸開減水河一道

以殺其勢未幾復廢

方輿紀要

雍正四年於治河入滹沱之處築

隄遏絕引水由正定欒城入於浚河

雍正志

今廢

採訪冊

元王禕治河考

治河在正定路平山縣西門外由井陘縣流經本縣東北十里入滹沱河元貞元年正月十八日丞相完澤等言往年先

帝嘗命開正定治河已發丁夫人役適值先帝昇遐以聚眾罷之今請尊舊制俾卒其事從之皇慶元年七月二日正定

路言龍花判官莊諸處壞隄計工物申請省委都水監及本路官自平山縣西北歷視滹沱治河合流急注正定西南關

由是再議照治河故道自平山縣西北河內改修滾水石隄下修龍塘隄東南至水碾村改引河道一里蒲吾橋西改闢

河道一里上至平山縣西北下至甯晉縣疏其淤澱築隄分其上源入舊河以殺其勢復有程同程章二石橋阻咽水勢

擬開減水月河二道可久且便下相欒城縣南視趙州甯晉縣諸河北之下源地形低下恐水泛經欒城趙州壞石橋阻

河流為害由是議於欒城縣北聖母堂東治河東岸開減水河可去正定之患省准於二年二月都水監委官於本路及

廉訪司官同詣平山縣相視會計修治總計治河始自平山縣北關西龍神廟北獨石通長五千八百六步共役夫五千爲工十入萬入百七十無風雨妨王三十六日可畢 趙文奎治河考治河今不來矣而名存焉或者其故道也然故道亦多泉處時流時竭因其流引而就城沼且闢而出者百年矣予初至欒西北沼中乃行車馬惟東南有少水河渠數步而已至秋水來始溢及趙次年夏又竭又至秋後方涓涓不絕子嘗因其溢插荆籬以限魚又種藕於東南面頗收其利舊至趙會次趣漳今亦不能但隍池闕大壯增於欒耳然自欒而北其泉處惟水河舖爲最民不解疏浚用其利徒蕃萐葦又北至羊市村至許營至賈莊數沮洳處至趙波口而又泉豬廣數畝黝藏荇藻然其流乃甚細東南行二十餘里至水河舖而始大自趙波口北爲王村王村西爲孫村皆枯漕或鹵澤又西至三教村淺平無河此今河源委也王村北又一枯河民種植其中北通滹沱之支河俗謂之運糧河漢承平十年因治河經於蒲吾開通漕船謂之太白渠受綿蔓水東南由今河至下曲陽入於浚唐總章二年引太白渠東流入正定以溉田不可復尋遺跡今支河起白馬山滹沱不漲不來漲時受其溢東行五十餘里至恆山古城復入滹沱以遠正定之患然亦不能至王村之枯河而况於治河與蓋治河自元時於平山縣東瀆嘉陽堰入滹沱爲正定城西南之害其不來久矣今滹沱去正定西南十二里所謂嘉陽堰者已淪沒無蹤白馬山河尙存而亦不行治水於何而考之哉元史謂改闢治河故道築隄分其上源入舊河以殺其勢卽

今支河也又曰寧晉諸河之下源地形低下恐水泛經欒城趙州壞石橋阻河流為害議於欒城縣北聖母堂東治河東岸開減水河可去正定之患其開處即今水河舖也分向東客諸村略存彷彿此舊河所經由也予嘗往來常山趙州之郊見枯瀆所在問其水來去未嘗不有感於古今之變且陵谷遷移事之大者今不為考後益難辨矣又疑舖名水河之義乃居人因減水河所在削一減字以便呼云治河既不來今河又無名因其故道仍為治河作治河考

減河在縣西北六十里即木刀溝上源古石曰河也縣志流至

縣東北入滹沱河縣舊志減水出房山亦謂石曰水又謂之鹿

水出行唐縣東入博陵謂之木刀溝又謂之袈裟水從此過

石曠山南流入滹沱河太平寰宇記今上流為滋水所亂故道已

湮大清一統志惟木刀溝自行唐之閔鎮村歷新樂無極二縣數

十里疏消之益尙未就湮府志

旺婁河在縣西十五里泉甚煖隆冬不冰居民造楮紙於此

亦名望樓河大清一統志又名望京河縣志

忽忽水縣志作在縣西一百里方輿紀要作西自山半湧出

達於平地大清一統志其聲泐泐懸流數十丈灌田數十頃雍正志

下流至獅子坪陷入地中行七里至南冶村溢出至北冶村

又陷入地中至河房村復溢經三家店入滹沱河亦名陷溢

河縣志明李從今詩飛出層崖翠岫端怒雷激浪落驚湍

龍高卧覺鱗寒山農歲歲霑餘潤不識人間有旱乾國朝

湯聘詩云鳴泉虜沸湧山腰疊浪驚濤八月潮擊石成音捶

風遠寂寥潭碧峯青浴玉乳源源膏沐在芄苗

硯泉在縣東南十餘里泉從石罅流出由筆架山之西屈折

北行逕煙堡村東北入滹沱河同上

河西泉在縣南二十五里平地湧泉數處雍正志溉田百餘頃

縣志

溫泉在縣西四十里泉從土中沸出溫暖可浴大清一統志泉左

室為一湯右室為一湯清瑩可鑒毛髮

王世貞歷三關記略國朝王滌心溫泉

記略溫泉所在多有博物志云凡水源有石硫黃其泉則溫歲癸丑余蒞任蒲吾見縣志載城西四十里有溫泉下車伊始未遑周歷境內大暑後九日因公途經溫泉其泉在車道嶺下相距三里許有二泉約皆圍數丈其泉自土中沸出四圍砌以石和氣薰蒸四時皆春土人謂浴者可醫疾病療疥癰故來浴者常不絕余考華陽志及三秦記所紀斯與驪山各溫泉皆云可以去疾消病則知其理原自不謬無足異者

蒲吾渠在縣西亦曰蒲水

方輿紀要

漢太白渠即此

雍正志

今無攷

縣志

阜平縣

派河即沙河自山西繁峙縣白坡頭口發源流入縣西北界

經大派山故名派水由茨溝營南行繞城西南東過王快鎮

入曲陽縣界

同上

靈邱河在縣西北源出山西靈邱縣自竹泉口北入縣境東

南至沙窩村入派河

畿輔輿圖

北流雍正志北作兆河在龍泉關外發源關西八里之印鈔石山下

大清一統志流六十里至縣西北神嶺村入派河縣志

鷓子河源出縣北七十里鐵嶺口南流八十里至方太口村

入派河

板峪河源出縣屬大茂山炭灰舖南流六十里至王柳口入

派河俱同上一日班峪河一作班牛河畿輔輿圖

臘脂河在縣東五十里方輿紀要發源縣界青竿嶺水有紅色故

名大清一統志東流九十里至王快鎮入派河縣志

謹案雍正志謂此河發源山西五臺縣與縣志不合

當城河源出縣屬馬蘭村東流二十里逕胡家堂與臘脂河

合縣志

平陽河在縣東六十里發源大茂山

大清一統志

東南流七十里

至曲陽界賈家口入派河

縣志

汧河在縣南源出白石嶺村南流入靈壽縣

畿輔輿圖

湯池在縣西八十里池水一溫一冷

雍正志

溫泉在縣南五十里源出溫湯村東北流三十里入臘脂河

畿輔輿圖

又縣北九十里亦有溫泉

縣志

行唐縣

滋河在縣西南二十五里

同上

自靈壽縣流入境又東經正定

縣界

大清一統志

派河在縣東二十里

縣志

自曲陽縣流經縣東又東南入新樂

縣界

大清一統志

郃河在縣南一里許一作告河源出縣西北兩嶺口山谷間

亦曰潁河南行三十里經箕山之東許由村之南曰洗耳溪

又東南曰郟河又東至新樂縣西南入派河同上明李昌齡詩薄暮秋江

望晴沙落紫烟鳥隨雲影度樹其月光懸魚沫吹寒露砧聲
動遠天有懷河漢近耐酒一鳴舷 國朝吳高增詩云郟河
百折達天津淑氣遙催雨澤新沙渚平添干澗水烟波疑泛
五湖春低垂遠岸紛紛柳羣泳深淵寸寸鱗怡值農祥勤勸
稼溝渠滿引及良辰

甘泉河在縣西北三十五里發源自甘泉廟流入郟河縣志

賈莊河在縣東北方輿紀要二十里源出恆山南流入派河

今湮縣志

曲河在縣北二十里源出縣西北武莊社之北山同上下流入

賈莊河方輿紀要今涸畿輔輿圖

謹案雍正志一統志皆謂此河源出縣西北武莊社北山

曰曲河東流經縣東北賈莊村為賈莊河以二水為一源

今攷二水下流雖合上流實分故分載之

石臼河在縣西卽平山之濺水也東北流入縣境又東入新

樂縣界爲木刀溝後漢永平中引石臼滹沱河以通漕卽此

水方輿行唐縣鹿水東入博陵謂之木刀溝隋圖

倒馬關水在縣東北二十五里其上源卽滹水也自倒馬關

分流逕靈壽縣界復引而東出合郃河諸水下流入沙河方輿

紀要

賈木溝在縣北二十里自南件村起至余底村流入郃河縣志

龍門溝在縣西二十五里自掌頭村起至滋溝流入郃河

沙溝在縣西北二十五里自賈南莊起至上碑村流入郃河

蓮花池在縣東北二十里河合村東池有泉竇下流入渠田

寨裏歡同諸村至蹉蹉村折而東與龍泉水合

龍泉池在縣東二十里蹉蹉村下流與蓮花池水合流人部

河俱同

飲馬池在縣東唐尉遲敬德開以飲馬明一統志上有鄂國公廟

大清一統志

井水在行唐縣城上西南隅有大井若輪水深不測水經注

謹案城塚記行唐故城在今縣治北三十里古井今無攷

贊皇縣

槐河古沮水一名黑水一名槐武河亦名沙河畿輔輿圖源出

縣西黃沙嶺東北流入元氏縣界縣舊志今河源發於紙糊套

山其出黃沙嶺者至堵戶村始合流縣新志國朝張煜辰

源於縣西南紙糊套山注東北曲折百餘里始出縣境所經

之地利害不一余嘗溯其源而備覽焉按紙糊套有兩歧槐水出南澗巨泉湧石壁下東北流不數武即伏行約二三里東至西夾屏復出合嶂石巖水北流至迎福臺高岸嵌巨石

泉出其下噴湧之狀較槐源之泉有過之無弗及也東北五
六里至樓底村合蝎子溝水匯黑龍潭潭水自高瀉落濤聲
震耳深不可測相傳有黑龍潛伏鄰境每於此禱雨自潭而
上岸皆山石水漲發不爲害自潭而下東流轉北約十餘里
過長深地至上下大凡又東北至野狐泉泉出高阜距地二
三尺人以木槽承其口水源源不絕里中甃石以代井盈科
後進東流百步達於河河水北去忽折而南過虎寨口乘勢
東下至王家坪南岸皆山北岸少平坦村人引水僅種蔬菜
種禾麥者不過數家惟東北一隅水田約數十畝然從上流
引水行自半巖紆折六七里始達田所其工亦云費矣再下
而爲槐疙瘡黃北坪以及石嘴頭玉皇廟等村沿河之田非
不資其灌溉但石厚土薄山水稍大禾與地俱歸烏有十數
里至野草灣村西故多水禮村東故多水田享其利者有年
矣先是槐水之流從野草灣東曲折循南岸而下今北徙順
鮑家灘一直東去所有歷年修補水田一旦盡成巨壑十餘
里至千根堵戶又合西北之水勢漸浩大又東數里過竹山
南岸近王小峪北岸近白鹿歷經布鼓莊梅家莊兩村漸至
城北所既之田並無膏腴皆亂石中積土成者中歲所獲固
償所糞若遇大水則土隨波逝石田不復可耕自城北東逝
舊由龍門榆底兩村入元氏界今由見守村北直達元氏車
輞溝去河之故道已南移數里此槐水現在之形勢也憶昔
火龍岡前附城水地約百有餘畝今悉變爲清流自南岸以
及北岸凡磷磷之白石皆翼翼之迺畝也幸未壬申兩歲又
迭經大水沿河一帶村莊損壞地畝無數惜下不知呈報上

亦無從稽查地去糧
存民害詎有窮哉

濟河 大清一統志作
泲水輿圖作泲河 在縣南十里源出大 輿圖
作小 石門東流

達高邑縣界 縣志 一名白溝水今名沙里河 大清一統志
國朝趙世彥泲水

源流考按濟水 畿輔輿圖為泲泲亦濟也發源於大石門

內郝家溝掌流甚細合老分溝之水始巨東出石門流數里

至小石門又東經申峪村齊家莊至口頭村北與麻子峪之

水合而東北流至院頭鎮去源頭約二十里涯岸倍廣於上

流又納西會諸村之水其勢愈壯從鎮前轉至東面如曲尺

又東流里餘至河東村遂折而北至平旺村折而東至陽澤

村東又北折至回車村三折其約二十里復東北經南北清

河去縣城南十里直達武家莊忽折而南由郭萬井之前曲

若半環復經西王俄東王俄共約十五六里即入高邑界此

泲水現在之形勢也按漢書地理志贊皇山濟水所出志贊

山而不志石門者石門本贊之別阜抑以贊皇山大而名著

石門山小而鮮知歟又云濟東流入泲考 大清一統志泲

水在臨城西北與濟本有別贊之舊俗已有混濟為泲之說

黃公前志曾書其誤而至今都人士有所詠歌猶或書泲而

不書濟習而不察類皆然也要之濟與槐皆清流槐下多石

濟下多沙漲則均足為害若以資灌溉濟之性究不及於槐

云

謹案漢書地理志贊皇山濟水所出東至瘦陶入泚元和
 郡縣志濟水出贊皇山西北流去縣南十里太平寰宇記
 槐水出贊皇山亦曰濟水即今泚河太平寰宇記謂槐水
 亦名濟水恐誤

魏河有二源一出於無極山西南由贊皇張楞村北而東者
 為北源一出於縣屬四望可蘭二山間者為南源南源伏流
 至張楞村南湧出流至村東與北源合流逕元氏縣武莊入

泚水

縣志泚水源委記

宿龍法在環山亭下相傳有龍潛此故名

縣志

老龍法在縣北十八里徐樂村東山隅深不可測

同上

龍泉池在縣東南二十里夏流冬涸味甚清冽

縣新志

黑龍潭在縣西南七十里上有龍神廟

大清一統志

白馬泉在縣東十里五馬山味甘美相傳東晉五馬將軍遊

畋渴甚馬足忽陷水隨湧出故名

縣志

野狐泉在縣西南五十里野狐村北泉水湧出成河下流入

槐水

石乳龍泉在縣西南障石巖上其形如乳故名

滿井在縣南萬井村南山絕頂天欲雨則井泉溢故名

俱同上

晉州

滹沱河舊在州南關外

縣志

由藁城縣流至州南又東入東鹿

縣界

大清一統志

同治七年由藁城東入深澤縣境

河道札

光武自

薊南馳至饒陽又至下曲陽聞王郎兵在後惶迫渡滹沱即

此城東十八里有凍河頭即王霸前行詭云冰堅可渡處也

方輿紀要 元陳孚詩征鼓連天戰血紅存亡只寄寸冰中憑誰剪取麒麟碧畫作雲臺第一功

謹案滹沱舊在州境遷徙不常今攷舊志及河道札備列於後滹沱河自明成化八年由正定出晉州紫城口南入甯晉泊正德十三年晉州紫城口淤分爲二一仍由甯晉泊一東溢由束鹿鴉兒河入深州是年由涅盤集築隄使歸晉州故道秋水泛漲併南流決而東入束鹿界

本朝順治十二年由藁城南彭村經晉州西南州頭村入束鹿百尺口至冀州歸清水河雍正三年決州頭村直衝束鹿城怡賢親王親行相度於州頭村築壩障其東下導河由木邱南至焦岡入滏陽河雍正八年木邱斷流乾隆初東南由晉州流經深冀乾隆二十四年又南徙入甯晉泊三十三年以後又東南過晉州入深州滏安平境道光二十一年南過甯晉入邵村咸豐元年由樓上村東南決入束

鹿同治七年由藁城東流經州北界入深澤安平饒陽諸縣境

鴉兒河在州東北十二里雍正志下流入邴州東鹿境卽滹沱

之支流也方輿紀要今湮縣志

蓮花池在城北二里雍正志

五龍井在州城外井泉淵澄宋乾德間相傳有龍潛此禱雨

輒應顧伯麟修龍岡記元劉因五龍井詩池龍聞說卧滄州一禱會分一郡憂四海蒼生望霖雨千年誰更傳巖

求

無極縣

滹沱河在縣南郝莊陳村之境舊由縣界東南達晉州縣志今

東入深澤縣界河道札

滋河自藁城縣西北之南孟社流至縣境環城西南東三面

西去城十里南去城六里東去城二十里下流入深澤縣界

縣志

木刀溝在縣西北二十里下通沙河近年隄廢每夏秋泛溢

自李家口衝入遂為民害同上

金井在縣北十五里高陵村旱禱多應雍正志

藁城縣

滹沱河在縣北一里自正定縣流入境方輿紀要舊由城東折而

南流入晉州南同治七年決於城東北改道東流至兩河堡

經晉州北辛莊南入深澤縣採訪冊明石瑤記恆山之陽有鉅川焉曰滹沱源出代郡秦

戲山下匯為三泉流稍延曼循太行掠晉冀蜿蜒而東注之海按班固敘禹貢九河所謂徒駭者是也至宋蔡沈疑之蓋亦惑於夾右碣石之說遂以九河皆淪沒於海滹沱中高不與大河相涉非之夫九河固淪沒於海九河之源豈亦淪沒乎滹沱固不與大河相涉然所謂九河者亦有九川云爾豈謂大河播而為九乎故知山川經絡苟非目睹身歷而欲據

文字定之鮮有不失者矣是則滹沱亦未見其的不爲徒駭也顧太行以東地勢頓下且河道淤沙窪壅不常旁無間壑以洩水怒故霖潦相仍山谷諸流叢奔會趨汹涌而至敗城郭沒田廬其害有不可勝言者今禹貢舊道旣不可見而西漢於此置蒲吾渠通漕船亦湮滅無跡豈非亦以茲水之害甚不可疏濬而廢與河經藁城自國初至今不知凡幾徒成化壬寅始迫城下淨土寺沒焉自後每秋漲至則汎濫於縣三十五里市野皇皇無所遁棲適有天幸未爲滄沼宏治六年太守張君淑始開新河於郡南費萬計未再逾夏水大入復趨故道功竟不成老氓相傳云是河不宜修築惟祭則可蓋神明之也於戲禮諸得祭其境內山川則祭典固不可闕然禦菑捍患以盭邦家爲民父母者職也往者宣防之塞近時張秋之築具在疏理之功亦豈可少哉顧得其要與否耳使善工相高下量順逆遲以歲月鑿山開原廣拓水境要其上流而放之甯棄百里之地以全城池則雖鑽龍門折伊闕尙可爲也而此獨難哉不然爲石隄以捍之亦再歲之利也又其上者平政惠民薄聚斂省刑罰尊老慈幼修祭祀順天時使五行各得其所則火炎上水澗下百川用甯永無墊溺之苦雖古昔賢者之論豈能外乎是哉若復迂之於是洪範可遂廢而天下之害付之末如何矣智者試反而思之萬一得其效豈以某之言爲先生之談哉石瑋賦介然子將如東瀛放舟於滹沱之浦覽郡國披山川辨土壤聆風泉俯象六極仰窺無垠問遺俗於故老招海上之飛仙於是揖漁人而進之日子亦知夫茲水之源乎出自繁峙經于代谷放乎

鴈門之坂帶於太行之麓朔方巨嶽實扼其胃恆衛諸流半入其腹氣吞萬壑激澗礮而未平勢應三泉墮平原而逾蹙時乎春冰乍融積雪方解支流趨順客浪藏駭迂迴縵延千里一帶雷石成渠鏘波赴海干城藉其潤色萬畝資其灌溉縱錚鳴帝子之環嘔軋散將軍之凱編桴賈客燈火輝煌罷釣漁郎歌聲欸乃芳洲乍晴倏昏忽明覽神農之遺譜得靈均之杜衡及夫積霖未止秋水大至巨濤圻空馱溜軒地律令助威飛廉擁勢海若爲之改容巨靈因而避位鯨翻渤澥鬼母長呼虎粟昆陽英雄失智山刊菑翳野誅檄檄先驅一指崩沙潰屋怒留城邑薪藁如雲殃及鱗鱗僵屍遍谷亦有傾城摧山變陵不雨而怒無龍而興湍隨鯁徒勢若雷崩斷岸蒙噴殷輪乍赤平岡被嚙戈戟猶青雷崩斷鐵訝魚龍之識字渚留袍笏豈犀火之通靈乃有泗濱磬浮汾陰鼎見寶鏡入秦號鐘歸梵涇陽嫁女簫鼓猶喧龍叟射綃波濤飽戰壞百尺之長橋刻千年之古塹人懷魚鱉之憂國有沼池之歎忽幾劫之餘灰出昆明之一旦蓋自列國兵屯朝齊暮秦盟渝韓魏兵來薊門趙國上卿功名一擊平原公子車騎長奔虎狼勢成合從事緩頰牧旣亡望諸已晚建不出援丹空起變常山之蛇陣徒存主父之龍顏幸返復有劉項相雄赤旗建功淮陰故壘東垣廢宮王霸詭冰再光舊版蕪亭飯麥猶著遺忠保河北以待朕亦何異於關中乃至開元弛綱漁陽肆毒投鞭斷河驅王入蜀常山太守首扼天下之吭帳下猪兒竟破羯奴之腹惟宋有國茲當北陸契丹伺便西夏來窺築甬梁津任布有備邊之策山崩海覆劉鴻興致死之師

自餘紛紛以暴易暴中更幾秦世歷多號劉琨有志獨枕長
戈虞詡難逢空增萬竈太平之日少於戰爭中原之俗半多
鏊帽是宜地下白骨多於黃土長河東奔爲泄其怒推車卷
甲盪百世之餘兇濺沫飛流刷遺羞於千古山蓋不得不峻
水蓋不得不駛陵谷蓋不得不而不變城市蓋不得不徙是
雖天時人事交會之偶然然亦豈惡殺好生造化之得已者
乎乃知天本待人地亦藏宅畀我祖宗增其式廓旣定鼎於
金陵又相居於恆嶽若成周之豐鎬復營邑於伊洛挽唐虞
三代之遺風掃爭戰百年之餘虐於是山多獻靈川亦效職
噓氣成雲蒸地成澤不須劉累豢靈沼之二龍亦有豫且得
白龜之徑尺木多杞梓自河而東波有鰓魴望海而入其有
異氣蘊鬱孕爲賢良輝煌事業璀璨文章高門大纛紫綬金
章或名流乎林藪或身負乎綱常乃若蘭陵著述功禕墳典
文貞論諫治逮成康閣敞平津屢屈吾邨之博辯屏張便殿
猶存李絳之封章武惠忠誠身兼將相韓維兄弟並在巖廊
趙賓客之名懸調燮黃牧伯之風輓循良一代龍頭世頌文
忠之相業兩朝司馬名登恭敏於旂常是其在昔有作於今
益昌孰非山河之所鍾毓地氣之所敷揚者乎矧吾生之行
休值海波之方晏駕木蘭之長舟縱千里於遐覽橫桓伊之
古笛飽廉頗之一飯藉荒磯之芳草憩清風之別館采江籬
以爲佩蛙揭車之九畹悵九原之莫作想古人而如見於是
流魚出波沙鳥鳴苑月華窺林露色淒晚樂未極而悲已生
日已夕而路猶遠旣引領而高歌又一唱而三歎浩浩乎飄
飄乎蓋不知吾之所欲之而忘吾之所欲返也歌曰山窅窅

兮波鱗鱗臨長洲兮思古人魚來迎兮鶴與吟惟秋鴻兮北以
南志不可騁兮樂不可單還余舟於江臯兮吾將續先生之遺
音

滋河在縣西北四十里南孟村縣志自正定縣流入境又東入

無極縣界俱成沙灘

畿輔輿圖

只照河即正定旺泉河之下流自正定縣朱福村入縣境東

南流經莊上村至只照村入滹沱縣新志

白洋河在縣西二十五里崗上村北自正定縣楊家莊流入

境下流至雙廟村入滹沱河採訪冊

酈陽水在縣西南雍正志藁之宜安南有酈陽水入之水經一注

名古酈河今名汪洋溝上自北西村下至甯晉泊採訪冊

謹案舊縣志宜安故城在縣西南二十五里其西有泥陽

村疑為酈陽之訛輿圖有王莽溝自正定縣入縣西境東

南流至南尚莊入趙州卽酈陽水故址久淤

木道溝在城西北七十五里方輿紀要自新樂縣馬頭舖入縣境

東流至牛村仍入新樂縣畿輔輿圖

新樂縣

派河卽沙河在縣東南一里縣志自行唐縣流入縣西北車固

村東南流逕城南與郃河合又東逕小吳村入定州界畿輔輿

圖自正定府七十里過沙河至新樂范成大北使錄晉隆安元年魏

主珪進軍新市慕容麟退阻派水卽此通鑑

郃河在縣東南自行唐縣流逕高麗村入縣境又東逕曹村

穿木村至趙村東會派河新樂河渠記

浴河在縣南七里縣志舊名金水河源出縣西南十五里中同

村之浴兒池東流至縣南石橋又有海眼泉會流至小流村

析而為二一由村西折而南下一由村北折而東流皆至赤

埃村與木刀溝合其合處曰三义河口

新樂河渠記

林河自行唐縣賈家營入縣屬之北青同村西又南至於南

青同過大樹近西賈莊北又東至馬家橋與木鐸溝金泉會

新樂河渠記本行唐山谿之水匯於此舊道淤塞順治中知縣林

華皖濬因名林河大清今淤探訪册國朝林華皖林河

一統志記略新市之水如五弦余於

修五水記詳之矣五水之外有舊河道焉自行唐賈老營入

北青同之西界南至於南青同過大柳樹近西賈莊以北遂

東迤馬家橋與木鐸溝金泉匯歷年以來河失其道南北青

同西賈三村為賈老營之水所必經之地水無所容受故橫

溢三日雨為霖三村歎以為滂矣內營東西田安家莊東西

長壽東名七村為賈老營之水所不經之地水既橫溢則瀾

漫而徧及之三日雨為霖七村歎以為滂矣如是者累年十

村之人罔有秋穫庚子春余從縉紳梁公白公暨諸生之請

並轡達觀於是編戶分工均平鼙鼓之內營村濬河二百二

十有二弓東田村濬河二百二十有四弓西田村濬河四百

四十有八弓北青同濬河四百二十弓南青同濬河三百一

十有七弓西賈莊濬河三百四十有九弓弓之數準以戶之

數而伍之相其地勢軒昂厥壤堅栗者工居多弓居少相其地勢平易厥壤柔脆者工居少弓居多時迺惟均旬日而功告竣是歲也十村之人始有收穫謂其河曰林河余思是役也鄉先王教之子弟効其力余何敢謂有造於茲土也古之人留心民瘼未始不如後人之周備但風之過河益之沙雨之過河益之泥一年弗修淺增尺十年弗修淺增丈今諸村既有河烏可不樹之林木以爲坊表使紀其水道耶且上歲方與之慮始其廣狹淺深倚其合度安知久而不爲淤幸丑春又均平其工如厥初督之深必以丈水之兩涯督種以樹樹之數準以戶之數而倍之種樹之戶與濱河之戶共灌溉之他日者十村之人戶口日多每歲逢春加修益易行見楊柳依依河光蕩蕩斯民箠車越陌婦子甯止將林林總總餉游息於茂樹青陰草橋流水之際謂曰林河亦庶幾幸藉以垂永久歟

滋河在縣屬趙門化壁村西水自阜平南下不經境內兩村

逼處東岸地勢窪下水易決入縣境順治中知縣林華皖築

隄禦之縣志

木刁溝在縣西南三十里源出縣西之閔鎮流經西賈莊過

安莊東陽齊同諸村至馬頭舖入藁城縣新樂河渠記今滋河分

流由縣西南黨家莊東入之

畿輔輿圖

溝旁人姓木名刀因名

元和郡縣志

亦名長淋溝

太平寰宇記

順治中知縣林華皖濬又改名

木鐸溝

新樂河渠記

唐元和四年河東易定兵討恆冀叛帥王承

宗破其兵於木刀溝

方輿紀要

謹案太平寰宇記平山縣房山在縣西北五十里澱水出

焉亦謂石曰水又謂之鹿水出行唐東入博陵謂之木刀

溝一統志謂木刀溝上流為滋水所亂是木刀溝之本源

出房山今為滋水所亂也林華皖河渠記謂閭鎮之泉即

其源殊失攷

方池在縣西南七浴河橋側明成化間知縣張增鑿萬曆二

十三年知縣趙璿復濬池內植蓮甚盛

縣舊志

洗兒池在縣西南義臺後

雍正志

相傳炎帝生於此

方輿紀要

其泉

大者如箕次如盤孟次如蠃泡自中同村下流爲浴河新樂河渠

閔鎮泉在縣西閔鎮泉湧地驟出勢甚猛泉高於水一尺許相傳閔子從遊到此飲此泉而甘之故村名閔鎮土人立廟以祀此水下流爲木鐸溝

海眼泉在縣西南大流村北五里流至村東石橋下與金水

河會

俱同上

